

Wewak em i skel ples...

Lukim pes 14 na 15

Meri Enga stret

Stori bilong Sista Jadwiga long Enga Provins...



Stori long pes 7

FORTI
PESEN DISKAUNT
TAIM STOK EM STAP YET.
PROMOSEN BAI INAP LON DAI NAMBA
3 MUN APRIL 2016 TAIM STOK EM STAP YET.



Only at...
THEODIST LTD
THE STATIONERY SUPERMARKET
Waligani Drive, POM
Ph:313 9800
sales@theodist.com.pg
Markham Road, LAE
Ph:472 5488
saleslae@theodist.com.pg

Wewak ailan sot long kaikai



Ol manmeri Ruprup na Kadovar i kisim 150 bek rais bikos ol i sot long kaikai.

OL manmeri i stap long Ruprup na Kadovar ailan long Wewak, Is Sepik i sot long kaikai na wara bikos bikipela san bagarapim ples long long tupela ailan.

Hot san, na no gat ren i mekim na i no gat wara bilong dring. I no gat ren i bin pundaun, na gaden kaikai i no karim yet.

Dispela i lukim praimeri skul na liklik haus sik long Kadovar ailan i pas bikos no gat kaikai na wara long sapotim laip bilong ol manmeri.

Presiden bilong Wewak Ailan LLG, Pius Bugatar, i autim dispela toktok las wik long Wewak taim em i baim klostu long 200 bek rais na givim i go long ol manmeri long dispela tupela ailan.

Wewak Ailan LLG i gat moa long 10-pela ailan tasol ol bikipela ailan em, Biem, Ruprup, Kadovar, Walis, Tarawai, Kairuru, Koil, Voeko, Mushu na Wei.

Moa long 15, 000 manmeri i stap long ol dispela 10-pela ailan.

Mista Bugatar i tok ol manmeri Koil na Biem i kisim bikipela hevi bikos gaden kaikai i sot na ol i no gat kaikai.

"Wara long dring tu drai na no gat ren i pundaun. Ol sampela manmeri i kisim sik tasol no gat wanpela gutpela ripot i kamap bikos haus sik i pas," Mista Bugatar i tok.

Em i tok Memba bilong Wewak, Jim Simatab, i bin givim K100, 000 long Wewak Ailan LLG, na ol i yusim dispela mani long baim 200 bek rais long Garamut stua long Wewak.

Las wik Sarere na Sande, ol man long ples i wok long karim ol dispela bek rais i go long ailan na skelim long ol pipel.

Solwara i no bin stap gut tasol ol man i strongim sait na kisim ol dispela kaikai

i go long ailan bikos ol manmeri i no gat kaikai stret.

"Mipela i nidim moa sapot. Memba bilong Wewak na Minsta bilong CS, Jim Simatab, i sapotim ol pipel na givim dispela mani, we mipela i baim ol bek rais.

"Tasol dispela ol bek rais bai pinis long tupela mun. Wara tu i wok long sot.

"Mipela i luksave olsem birua bilong klaimet senis na global woming i bagarapim laip bilong ol manmeri long ailan.

"Mipela i singaut long ol arapela dona ejensi na nesanel gavman long helpim ol pipel bilong dispela ailan," Mista Bugatar i tok.

Mista Bugatar i tok ol i no kisim arapela sapot long sampela bisnis haus o gavman ejensi. Dispela em i namba wan taim LLG presden na lokal memba i sapotim ol pipel.



4-pela pes toksave bilong BPNG insait - Pes 5,6,23 na 24



MANILA
k1,708*

< RETURN >

Call toll free 180 3444 for more information.



Air Niugini
www.airniugini.com.pg



*Ex Port Moresby. Conditions Apply.

K40,000 Win Moni

wanwan long 4pla
laki lain bai winim
K10,000
Sekim hau long joinim
resis insait long ol
stoa mipla makim



Gutpla taim wantaim Meadow Lea

Simatab helpim ol mama long ples

TUPELA wimens grup long Wewak distrik i kisim bikpela helpim long Minista bilong Koreksenal Sevis (CS), Jim Simatab.

Minista Simatab, husat i Memba bilong Wewak, i givim K10, 000 long ol mama grup long Poriera Viles long Passam Namba 2 kaunsil wot long las wik Sarere.

Long wankain taim narapela bisnis grup bilong ol mama long Pangaripma viles tu i kisim narapela K10, 000 gen long Minista Simatab.

Tupela ples wantaim i stap long Wewak Rural LLG.

Nem bilong bisnis grup bilong ol mama long Poriera em i Pomuyar Sustainable Womens Bisnis Grup (PSWBG).

Siameri bilong PSWBG, Jennifer Saruwabe, i tok tenkyu long Memba i skruim helpim i kam long ol mama grup long ples.

"Mista Simatab i givim mipela dispela mani long helpim ol mama i kirapim liklik bekri bisnis long ples.

"Mi laik tk tenkyu tru long Memba bilong mipela," Misis Saruwabe i tok.

Ol mama i save mekim scon na fraim flawa na salim long Passam Nesenel Hai Skul, na dispela helpim bilong Mista Simatab bai strongim na groim liklik bisnis bilong ol.

Narapela K10, 000 ya i go long Kambagora Wiarahua Bisnis Grup (KWBG). Dispela grup em i bisnis grup bilong ol mama long Poriera viles.

Siameri bilong KWBG, Dorothy Pantumari, i tok ol mama long Poriera i laik mekim bisnis long sak sak, paiawut na pig projek.

"Bisnis intres bilong mipela i



Jeffery Fimbori (werim kep) i givim K10, 000 sek long Dorothy Pantumari (rasta meri) taim Moses Wani i poinim han i go long sek ya long Pangaripma ples, Wewak Rural LLG.

stap long saksak, paiawut na pik projek. Mi amamas na tok tenkyu olsem memba i luksave long wan-

"Dispela mani bai helpim tupela mama grup ya i statim liklik bisnis

Wimens Kaunsil Rep bilong Wewak Rural LLG, Cecelia Yaken, (namba tu long lephan) i amamas long memba i luksave long ol mama grup long mekim bisnis.

pela komitmen em i bin mekim long Okotoba 10 las yia," Misis Pantumari i tok.

Mista Simatab yet i bin sik na i no bin go long ples long givim dispela mani tasol em i bin salim Ekesekyutiv Opisa bilong em, Jeffrey Fimbori, long makim maus bilong em na givim dispela mani.

grup na mekim mani long helpim ol yet long ples," Mista Fimbori i tok.

Mista Simatab i bin mekim wanpela tok promis long Oktoba 10 las yia long helpim dispela tupela mama grup.

"Minista Simatab, lokal memba bilong yumi, i no man bilng giaman. Em i man bilong bihainim tok promis.

"Mi no gat moa toktok long mekim. Olgeta toktok em yet i bin tokim yupela pinis. Mi makim maus bilong em na kam givim dispela sek long yupela," Mista Fimbori i tok.

Wimens Kaunsil Rep insait long Wewak Rural LLG, Cecelia Yaken, i makim maus bilong ol meri na

mama long ples na salim tok amamas na tenkyu i go long Mista Simatab.

"Dispela em i namba wan taim stret mipela i lukim memba i givim helpim long ol mama na meri i mekim bisnis long distrik bilong yumi," Misis Yaken i tok.

Em i tok ol mama i save lukautim graun na holim famili, na dispela disisen bilong Mista Simatab long helpim ol mama grup em i wanpela gutpela disisen we em bai helpim komyuniti long benefit.

"Ol mama, mipela i save holim graun wantaim han na lukautim famili. Tenkyu long memba i luksave long mipela na givim dispela helpim," Misis Yaken i tok.

Unlimited talk time with friends

Get unlimited calls between bmobile-vodafone numbers for as little as K1 per day.

Dial ***777#** to subscribe.

76003555 or 1555
connect@bmobile.com.pg

www.bmobile.com.pg/unlimited

Sir Mekere autim tingting bilong em

PASTAIM Praim Minista, Sir Mekere Morauta i autim tingting bilong em long las wik Trinde olsem ol Papua Niugini pipel i mas kirap na toktok long ol hevi nau i wok long kamap long ol institiuten bilong gavman we ol politisen i wok long mekim senis klostu, klostu.

Mista Morauta i toktok long pasin bilong ol politisen i yusim pawa bilong ol long daunim posisen bilong ol pablik sevan na mekim ol long abrusim ol fainenesel prosida bilong ranim ol wok bilong ol mani na wok.

"Yumi gat liklik lain lida husat i pret long wanem ol rong ol i mekim olsem na ol bai mekim kain, kain pasin long banisim ol yet," Sir Mekere i tok.

"I no gat wanpela institiuten, ol opis holda nau i stap seif we ol politisen i no inap long mekim nabaut na pretim ol. I no gat wanpela sistem bilong gavman long wok em i seif we ol i no inap long senisim nating, na i no gat wanpela mani i seif we ol i no inap long bagarapim na yusim long narapela



Se Mekere Morauta

rot," em i tok.

"Long kain taim olsem em i gutpela long ol institiuten i mas mekim wok long wei bilong lukautim nesen na ol pipel na i no ken bihainim laik na tingting bilong wanpela man o wanpela liklik grup. Mi save olsem wok bilong sanap long banisim ol institiuten em i no isi na i stret tasol, no gat. Tasol em no gutpela long larim ol lain bilong bagarapim ol bikos ol wokman i no mekim wok bilong ol long banisim ol," em i tok.

"Long kain taim olsem, i no gat wanpela samting em i winim wok bilong ol institiuten i mas sanap ol

yet na ol menesmen na bod dairekta bilong ol yet, na ol long bihainim rot bilong lukautim institiuten. I gat sampela gutpela Papua Niugini pipel husat i no pret long mekim wok bilong ol gut, tasol ol lida i wok logn mekim save long ol, na ol narapela husat i wok long helpim ol lida long bagarapim ol institiuten i wok long kisim luksave na pei."

"Ol lain i holim opis na ol pablik i gat wankain rait na wok long lukautim intres bilong kantri olsem wanpela sta i soim rot bilong wok bilong ol," Sir Mekere i tok.

Sir Mekere i tok i gat planti birua i kamap long gutnem bilong independens bilong ol institiuten, long mekim ol dispela institiuten bai i no gat strong. Ol dispela birua em i soim ol i brukim lo, brukim palamen demokresi na human rait.

Bikpela birua tru em i kamap long independens bilong judiseri na ol atoriti husat i gat wok long lukautim ol lo bilong kantri olsem Ombudsman Komisen, Royal Papua Niugini Konstablari na Tas

Fos Swip.

"Taim ol i traim long arestim Sif Mejistret, sakim tok bilong Ombudsman Komisen na senis bilong ol polis komisina, arestim ol memba bilong Frod Skwat na Enti Korapsen Dairektoret na arest bilong het bilong Tas Fos Swip, i kamapim bikpela wari.

"Ol i rausim mani bilong Tas Fos Swip na Polis Frod Skwat em i bikpela wari na em i stopim ol investigesen bilong planti lida na ol wanwok bilong ol husat i laik pasim rot bilong justis.

"Taim ol i rausim ol mani em ol i minim long pasim rot bilong polis fos disisen long ol i mas banisim ol politikel na kopret saspek.

"Dispela atek i bungim wantaim ol salens i kamap klostu, klostu long ol trupela kot disisen na rulling na ol eksen na ektiviti bilong ol atoriti sampela i no gat gutpela as."

Sir Mekere i tok Gavman nau i tanim ai bilong em i go longwe long rait bilong olgeta Papua Niugini long fridom bilong toktok na long kamapim bung o asosiesen.

Tok pret ol i givim long ol pisful protes mas pastaim long las siting bilong Palamen i go tu long midia, ol i mekim pret ol pipel nating na bagarapim ol propeti na ikwipmen.

"Dispela pasin i mas no ken kamap olsem wanpela liklik hevi tasol i kamap long wanpela taim tasol. Em i hap bilong wanpela plen long pasim maus bilong midia na paulim pablik diskasen long ol bikpela hevi bilong kantri.

"Ol sitisen bilong Papua Niugini i mas wari long toktok bilong wanpela sikret polis fos long spai o lukluk still long praivet komyunikesen bilong ol pipel na long ol pablik toktok bilong ol long sosel midia.

"Lo bilong kalabusim ol man 'long samting ol i mekim i bagarapim sosaiti' giaman toktok olsem sikret polis i tok em i no wei bilong wanpela demokresi. Em i bilong wanpela diktetasip.

Midia, na independen pablik toktok long ol hevi bilong kantri, em i strongpela pos bilong demokresi na i bikpela hap bilong nesenel developmen," Sir Mekere i tok.

Simatab em i eksen man

MEMBA bilong Wewak, Jim Simatab, i no man bilong toktok planti tasol em i man bilong mekim eksen stret, wanpela man long ples i tok.

Siaman bilong Pasawa Holdings Limited, John Jehanduo, i autim dispela toktok las wik Sarere long Poriera viles long Passam Namba 2 kaunsil wot taim em i lukim olsem Mista Simatab i skruim helpim i go long ol lokal mama grup long dispela ples.

Mista Jehanduo i tok Mista Simatab i bin baim wanpela somil na ol masin bilong katim diwai na givim i go long lokal kampani bilong ol asples long Poriera, Pasawa Holdings Limited.

"Mi amamas tru olsem



Miting Haus bilong Pasawa Holdings Limited long Poriera viles, Wewak Rural LLG.

memba bilong yumi i mekim gutpela wok na luksave long ol pipel bilong ples.

"Em i bin helpim mipela pinis wantaim somil na ol

masin bilong katim diwai. Mipela i gat liklik kampani ol i kolim Pasawa Holdings Limited, na dispela kampani i wok long katim ol bikpela diwai long bus na

salim timba na mekim mani.

"Mista Simatab em i gutpela man. Em i wok long givim helpim long liklik komyuniti na i go antap long bikpela.

"Dispela kampani we mi siaman long en i no kampani bilong mi yet wan. Em i kampani bilong komyuniti na mi lukautim tasol," Mista Jehanduo i tok.

Em i tok Pasawa i tok long katim ol diwai na salim long ol man bilong ples yet.

"Sapos wanpela man i laik katim diwai na sakim masin, mipela i save go katim diwai bilong em. Mipela i saplaim lokal maket yet," Mista Jehanduo i tok.



Siaman bilong Pasawa Holdings Limited, John Jehanduo

SAVING FOR A REASON?

SAVINGS IN A JAR

- ✓ Easy access to spend.
- ✓ No interest earned.
- ✓ Funds are not secure.

SAVINGS BSP PLUS SAVER

- ✓ No Card Access.
- ✓ Tiered credit interest.
- ✓ Linked to Mobile & Internet Banking.

A BSP Plus Saver Account for every savings goal

- Home Equity
- Dream Wedding
- Medical Bills & Emergencies
- Birthday Party
- New Gadgets & Phone
- Overseas Holiday

www.bsp.com.pg [f](#) [t](#) [in](#)

Bulet bilong polis kilim man

PAIRAP bilong bulet o katres long gan bilong wanpela polisman long las wiken long Madang i kilim indai wanpela yangpela man bilong Simbu provins arere long wanpela nait klab long Madang.

Madang Provinsal Polis Komanda, Jacob Singura i tok Sinia Sajen, Franz Mongati i kisim sas long dispela birua we i bin kamap ausait long Pils Rapa nait arere long Laiwaden

pilai graun long taun.

Mista Singura i tok olsem polisman ya i bin ran long wanpela kar taim dispela kar klostu bam wantaim narapela kar, na dispela i wokim ol pasindia bilong narapela kar long kros na tro-moi wanpela tin i gat bia long en na paitim polis kar.

Ol polisman i bekim na pairapim gan long stopim dispela kar wantaim ol pasindia insait long

en. Tasol abrus na strei katres bilong polis i go na kisim dispela man long sait bilong em.

Ol lain bilong em i karim em i go long Modilon hausik tasol em i dai bikos em i lusim bikpela blut na tu ol long haus sik i no hariap tumas long stretim em.

Polis ripot i tok olsem taim ol polisman i bin pairapim gan planti ol lain husat bung ausait

long Pils Rapa nait klab i bin strong na rausim gan long han bilong ol polisman, tasol bihain ol i givim bek i go long han bilong ol polis.

PPC Singura i tok sinia sajen Mongati, bilong Sissano long Aitape, Wes Sepik provins i sevim polis fos moa long 30 krisma na long taim dispela birua i bin kamap em i bin wok olsem ekting rural komanda long Madang.



CEPA opisa Mr Luluaki i no amamas long lukim nupela rot AusAID givim mani long wokim i bagarap namel long Madang-Ramu haiwe. Foto: James G. Kila

Ol pren bilong Papa Somare bai amamasim 80 krismas long Sarere

JAMES G. KILA
i raitim



Sir Peter Barter bai karim ol pren bilong Sir Michael long Kalibobo Spirit i go long Wewak.

PASTAIM rijinol memba bilong Madang na long-taim bisnis man long Madang, Sir Peter Barter, husat em gutpela pren blong Gren Sif Sir Michael Somare, bai go pas long wanpela grup husat bai ron long sip bilong em Kalibobo Spirit long go amamasim 80 krismas bende bilong Sir Michael long Wewak, Is Sepik.

Gren Sif Sir Michael Somare em i namba wan praim ministra bilong Papua Niugini na em bai selebretim 80 bonde bilong em long Epril 9, em long dispela wik Sarere.

Sir Peter i raitim long Melanesian Nius olsem Gren Sif Sir Michael bai amamasim tu 48 yia bilong em long wok politiks long Wewak wantaim family bilong em, ol pren na ol wanwok politisen. Ol intanesenel lain tu bai kam long Wewak long dispela selebresin.

Sir Peter, husat em

menesing dairekta bilong Melanesian Turis Sevises, wantaim ol klostu pren bilong Sir Michael bai go long Wewak long sip bilong em Kalibobo Spirit long amamasim wantaim Gren Sif Sir Michael.

Melanesian Nius i tok olsem ol bikpela lain husat bai ran long Kalibobo Spirit i go long Wewak em

ol, Sir Mekere Morauta na Lady Roselyn, Deim Meg Taylor na pikinini meri bilong em Tamail, Profesa Edward Wolfers, pastaim Sif Jastis na pastaim gavana bilong Madang, Sir Arnold Amet, Profesa Pater Jan Czuba na pikinini man bilong Sir Peter, Andrew Barter.

AusAID rot projek long Madang-Ramu haiwe bagarap kwiktaim

JAMES G. KILA
i raitim

OL ENJINIA o save-man bilong wokim rot i mas kamapim trupela wok na dispela wok bilong ol i mas stap longpela taim long sevim ol pipel na bisnis haus.

Dispela em strongpela salens wanpela sinia opisa bilong Konsevesen na Envairomen Proteksen Atoriti (CEPA,) Gabriel Luluaki i bin givim taim em i bihainim Madang-Ramu

Haiwe na lukim bikpela bagarap i kamap long rot.

Dispela seksen bilong haiwe i stap namel long Mipubris long Naru na Biribiri maunten, na wok i bin pinis moa long wanpela yia i go pinis.

Tasol nau yet planti seksin bilong rot i bagarap pinis na bruk bruk nabaut. Kolta ol wokman i putim na penim gut ya em bruk na luk nogut tru.

Mista Luluaki i askim bikpela

kwesten tru long wok ol dispela rot enjinia i wokim em ol rot konstraksen kampani i wokim i bagarap kwiktaim tru.

Mista Luluaki i tok ol sivil enjinia na ol wokman bilong rot noken sutim tok long graun o eria long hevi i kamap.

Ol sivil enjinia i skul long save long graun na save long wokim rot bihainim graun na eria na ol i mas save gut long putim kamap rot long gutpela hap

na rot bai no inap bungim hevi.

Em i tok dispela kain pasin long lukim rot i bungim hevi o bagarap wantu tru em weskampani tru pablik mani bilong ol pipel bilong Australia.

Mista Luluaki i tok ol sivil na straksarel enjinia i mas save gut long wok bilong ol na wokim ol rot we i ken stap longpela taim na sevim ol manmeri na bisnis husat i nidim tru rot long kisim sevis.

Strongim save long wok bilong REDD+

WANPELA trening bilong ol Nesenel stekholda bilong klaimet senis i bin kamap long Kimbe, Wes Nu Briten long las mun.

I bin gat 37 pipel, sampela bilong ol pablik sevan, ol gavman dipatmen, sivil sosaiti grup na praiwet sekta i stap insait long dispela woksop.

Dispela trening em bilong ol stekholda kisim save long wei bilong daunim mak bilong emisen o ges nogut i save kamap long katim na bagarapim ol fores (Reducing Emissions from Deforestation and Forest Degradation) REDD+.

Ol i lainim REDD+ olsem wanpela wei bilong stopim bagarap we inap kamap long klaimet senis na long REDD+ i promotim sastenebel developmen long PNG.

Klaimet Senis na Developmen Atoriti (CCDA), wantaim sapot bilong Fores Kabon Patnasip Fasiliti REDD+ redines projek na UNDP i bin redim na ranim dispela 'REDD+ Ekspet

Trening' bilong bihainim ol polisi na ol narapela wei bilong helpim klaimet senis.

Wanpela bikpela salens long global komyuniti tude em long save gut long wanem kain pasin bai ol i stretim ol hevi i kamap taim klaimet senis i bagarapim ples.

Wanpela wei bilong global rispons em long strongim ol kantri long daunim mak bilong ges nogut i go aut long ol fores, olsem REDD+ PNG, olsem wanpela memba bilong Yunaitet Nesen Fremwok bilong Konvensen long Klaimet Senis (UNFCCC) na Koalisen bilong Renfores Nesen, em i bin wokim kontribusen bilong en long daunim mak bilong global emisen wantaim wanpela nesenel REDD+ strateji.

Terence Barambi, CCDA REDD+ Menesa i tok kliia long as tingting bilong dispela trening olsem, "Mipela i bungim ol stekholda wantaim long mekim ol i save moa long REDD+ na

long strongim tingting bilong ol long mekim wok. Dispela bai helpim mipela long save olsem REDD+ Strateji em i bihainim ol tingting bilong nesenel prairiti long wan, wan sekta."

Dispela woksop em i wanpela hap bilong ol trening we i bin stat long 2015 long redim kantri long mekim samting long kamapim save bilong menesim gut REDD+ na Nesenel REDD+ Strateji.

"Mipela i laik kamapim inap save-man na meri husat i gat gutpela save long REDD+ inisativ na wanem kain wei ol i ken mekim em i wok insait long Papua Niugini," Peter Katapa, Projek Menesa bilong FCPF - REDD+ redines projek i tok.

Joel Scriven na Timothy Boyle bilong REDD+ sapot tim bilong UN-REDD/UNDP Rijonal Hab long Bangkok i bin go pas long givim trening. Ol i toktok long ol wok bilong ol draiva bilong diforestesen na fores

digredesen, ol ki samting bilong disainim REDD+ polisi na ol bikpela samting bilong plening bilong wok long REDD+.

Ol lain husat i kisim trening i bin go lukluk raun long Stettin Bei Lamba Kampani loging long Nu Briten Palm Oil Limited plantesen na biogas plent.

Dispela i givim sans long ol i lukim long ai bilong ol yet ol wanem kain wei ol lain i mekim wok na ol lain husat i stap baksait long ol i mekim wok long daunim na bagarapim olgeta diwai na bus, tasol em i ken kamap olsem wanpela wei bilong sastenebel konsevesen na menesmen bilong ol fores insait long PNG.

Ol i lainim tu long wanem samting dispela ol kampani i save daunim hevi bilong ol operesens bilong ol long envairomen.

Las de bilong woksop i gat ol diskasen namel long ol lain i kisim trening long ol polisi na ol rot bilong

helpim klaimet senis we bai i gutpela long PNG i bihainim long daunim emisen i kamap long diforestesen. Long wankain taim ol i strongim tingting bilong sastenebel ikonmik developmen.

"Ol pipel bilong yumi yet wantaim pasin bilong wokim egrikalsa i save stap baksait long katim daun bus na diwai na bagarapim fores," Roy Banka, Projek Kodineta bilong Nesenel Fores Inventori projek i tok.

"Em i gutpela long mi kisim trening bilong klaimet senis stret long ol polisi olsem REDD+.

Long wok bilong mi olsem polisi edvaisa mi mas save gut long ol polisi na ol narapela wok wantaim o wei bilong strongim ol long wok," Kwaipo Vali, Polisi edvaisa bilong Praim Minista Dipatmen i tok

Narapela REDD+ Ekspet Trening wok bai kamap long Ogas 2016 na bai lukim planti moa stekholda i kam insait long kamapim dispela strateji.

Wanpela meri Enga Stret

Nicky Bernard i raitim

WANPELA wait meri Polen i bin lusim kantri na ples bilong em na kam long Papua Niugini na go insait stret long bus bilong Enga Provins.

Sista Jadwiga Faliszek, em wanpela Katolik sista, taim ol Katlik Sios long Papua Niugini askim em long kam, ol bin salim em go long liklik Katolik Misin na Helt senta long Yampu ples long Enga.

Sista Jadwiga i bin amamas long kam long PNG tasol em i no save olsem ples em bai go long en i save gat planti birua. Taim em kam pundaun long Mosbi ol bik manmeri bilong Katolik Sios i givim tok save long go long Enga long mekim wok misin na helpim ol pipel long hap long haus sik.

Sista Jadwiga go long Enga long 2007 na go statim wok bi-



Dairekta bilong Operesen bilong PNG Tribal Foundation Michelle Hau'ofa i givim wanpela presen i go long Sista Jadwiga long taim em go lukluk raun long sekim ol masin bilong haus sik Tribal Foundation i givim.

long em long liklik helt senta long Yampu, em i wok olsem sista long haus sik na tu wok olsem misineri.

Yampu em wanpela liklik Katolik stesin insait long Kompam ilektoret long Enga provins, dispela liklik Katolik stesin save helpim tru ol pipel bilong Kompam na ol ples klostu long haus sik sevis bilong ol.

Taim Sista Jadwiga statim wok bilong em, long dispela liklik stesin, em i bin kisim

liklik salens long laip bilong em long wok misin na wok olsem sista long haus sik.

"Namba wan taim mi kam long Yampu, mi kisim taim stret, olgeta nait pilo bilong mi save wet long wanem mi save kra i olgeta nait long namba wan taim mi kam. Ol ples lain save putim bus naip long nek bilong mi long mekim wok." Sista Jadwiga i tok.

Em tok tu olsem, taim 2007 em go long Yampu em taim stret

bilong lleksen na taim ol manmeri i wok long pait long ol yet na em go insait long bikipela wok stret.

Taim ol mun na yia i wok long go, Sista Jadwiga i stat long kisim strong na ol ples lain i stat long save long em. Ol wok em save mekim long autim tok bilong God papa na helpim ol manmeri kisim bagarap long pait o sik i wok long go strong tu long ol lain long dispela ilektoret.

Sista Jadwiga i kamap

olsem mama bilong ol planti ol yangpela pikinini long hap, long wanem em save helpim gut ol mama taim ol karim pikinini.

Planti ol yangpela dokta long Enga provins i save gut tru long Sista Jadwiga na nau planti long ol nes sumatin long Enga save go long Yampu long lain wok aninit long Sista Jadwiga.

Sista i kisim wanpela leta pinis long em bai muv go long narapela provins na dispela i mekim em tingting planti long ol pipel bilong Yampu na Kompam ilektoret long lusim ol.

"Mi kamap meri Enga pinis na mi bai wari sapos mi lusim ol ples lain bilong mi na provins bilong mi, we i givim mi strong long wok bilong mi olsem misineri na wok olsem sista long haus sik". Sista Jadwiga i tok.

Sista Jadwiga i stap long Enga provins klostu 10 yia olgeta taim em lusim ples bilong em long Polen na kam long Papua Niugini.

Stori na Wok

- Elizabeth Cox

Gutpela Samting Bilong Wok

Toksave: Sapos yu laik wokim gaden kaikai yu mas i gat gutpela samting bilong wok. Sapos yu i gat "tul" yu mas lukautim ol gut.

Ol tumbuna i save wok gaden long stik. Nau planti manmeri kisim pinis spet na wok long em. Baira o "hoe" em i wanpela narapela gutpela "tul" o samting bilong wok. Sapos stik bilong baira i bruk yu ken wokim gen nupela, em i isi tru.

Sapos yu laik wokim gut wok, ol tul bilong yu mas i stap sap na klin olgeta taim. Noken larim ol i stap long ren, long gaden na bai ros i kaikai ain. I gutpela long pailim na welim (long olupela wel bilong ka o wel bilong kokonas) olgeta wan wan mun. Hangamapim ol tul long ples i drai olgeta taim.

Sapo grup bilong yui yet - yu mas i stap putim gut namba long ol na lukautim ol gut tru. Sapos yu laik traim na kirapim dispela wok gaden na ol tul bilong yu in op sap, o ros nabaut, o handel i bruk na lus, bai dispela wok i mkeim olsem hatwok tumas na bai manmeri les long lainim wok gaden.

Oi Meri Inap Long Mekim Wanem?

Sapos yu laik kirapim dispela wok gaden na nutrisen progrem long ples bilong yu, em i gutpela yupela lukluk pastaim long ol samting bilong wok.

Nogut yu lainim ol meri long dispela wok, tasol bihain ol i no wokim bikos ol i nogat samting bilong wok, ol samting bilong ol i bruk o ros nabaut.

Sampela taim I meri ken sindaun na stori long ol samting bilong wok ol i ken bung na kisim wan wan hap, spet o baira i kam na sapim na welim wantaim.

Sapos ol manmeri long hap bilong yu ol i nogat gutpela samting bilong wok, yu i nap long soim ol we bilong baim samting long V.E.S (Vilis Ekwipmen Saplais) i stap long Lae.

Rait long V.E.S
PO. Box 2172
Lae

Na askim ol long salim toksave long wanem samting ol i salim, na prais bilong ol dispela samting.

Ganim opim rurel ilektrifikesen long Wabag



Memba bilong Wabag Robert Ganim i katim ribon long makim pawa saplai i go long Pokatu we Rural Ilektrifikesen (RE) i bin sanapim pos na putim pawa lain pinis. Foto: Ale Asa

Ale Asa i raitim

MEMBA bilong Wabag distrik, Robert Ganim i opim wanpela multi-milien kina Rurel Ilektrifikesen (RE) program olsem wanpela impek projek long Wabag distrik.

PNG pawa wokman long Maun Hagen i bin statim wok long 2013 na bai planti eria long distrik we i no gat pawa bai ol kisim pawa ananit long dispela program.

Long wik i go pinis Mista Ganim i katim ribon long salim pawa i go long 4 kilo mita Teremanda - Pokatu viles we ol i bin putim

pawa lain na pos pinis. Dispela projek i kamap wantaim moa long wan milien kina na bikepla helpim bai go long moa long 1,000 manmeri wantaim wanpela praimer skul, ol haus lotu, stua na haus slip.

Planti lain long Wabag distrik i amamas long Robert Ganim bikos ol pastaim memba i tok promis nating long kamapim pawa projek tasol Ganim i kamapim tru wok.

Komuniti lida bilong Pokatu viles, Jimi Yamau I tok, "Mi amamas tru bikos komuniti niti bilong mi i kisim

pawa nau na mi bai lusim kerosin lam na jenerata.

Ol pastaim memba i tok promis nating long givim pawa tasol Ganim i mekim dispela tok i karim kaikai na mi amamas long em."

Dispela multi-milien kina RE projek i kamapim 4-pela kilo mita Sakales-Sagasabes, Aipus - Iryela, 6 kilo mita Lakemanda -Yampu long hap bilong Ambun-Kompam distrik, 6 kilo mita Sari-Lakiwi, 5 kilo mita Sopas -Lai Bris wantaim planti moa bai kamap.



Sista Jadwiga i sanap wantaim ol yangpela dokta na tupela wok meri bilong Tribal Foundation long Yampu Stesin.

Ol poto: Nicky Bernard

Pussy o bebi taiga?...



Yu no inap bilip! Dispela em i wanpela femili pusi long Kiunga. Hia yu lukim pusi i silip wantaim mama bilong em liklik Shaleen Anthony Wilson long haus bilong ol long Kiunga. Dispela pusi i traipela tru na luk olsem bebi taiga bilong India. Dispela pusi i save laik silip klostu long dua bilong toilet. Sapos yu laik go toilet, yu mas tok eskus long pusi pastaim na yu yusim toilet. Papa bilong tupela em i Edukesen Inspekta bilong Westen provins. Mama bilong tupela, Ruth Wilson turangu i pasim ai long las mun bilong Janueri dispela yia. Foto: Lonnie Wilson

Katolik Profesenel sapotim Wes Papua

Paula Haricknen – Presiden bilong Katolik Profesenel i raitim

KATOLIK Profesenel So-saiti bilong PNG i sapotim singaut bilong ol Pasifik Konpres bilong ol Sios (PCC) bilong Indonesia, Fiji na PNG long ol i no mas bungim pait bilong ol Wes Papua pipel bilong kism fridom bilong ol wantaim ol bagarap bilong human rait we ol i kism olsem wanpela nius stori insait long Post Courier long 1 Epril 2016 i bin tok long en.

Fiji na PNG em ol i bikpela Melanesia kantri long rijon wan-

taim bikpela hap graun, ol risos na ikonomi. PNG bai gat ol wari bilong sekyuriti wantaim Indonesia na ol narapela ikonomik wok bilong en. Gutpela tasol gutpela pasin bilong lidasip insait long rijon i stap we?

Sapot bilong Vanuatu na Solomon Ailan long helpim ol Wes Papua i wok long kamap strong long ol Wes Papua na tu long ol lain husat i wok long pilim sore long ol insait long rijon.

Wes Papua i gat sampela bikpela hevi bilong human rait na politik. Ol pipel i bin stap long bikpela hevi we ol i bin kilim na bagarapim ol

egens lng ol human rait. Pasin no gut bilong ol Indonesia ami i bin pasim maus bilong ol long taim ol i traim long tokaut long ol hevi bilong ol na pait long rait bilong ol.

I luk olsem PNG na Fiji i larim nating ikonomik diplomesei bilong Indonesia i karamapim dispela bikpela hevi long ai bilong ol. Tasol mipela i no inap long pasim ai nating long hevi bilong ol Wes Papua.

Indonesia em i no wanpela ikonomik pawahaus long Pasifik. PNG na Fiji i stat long wokim treid wantaim Saina, Siapan, Saut Korea, Filipins, Australia na Nu Silan pinis insait long Esia Pasifik rijon na planti narapela kantri long wol.

Watpo bai yumi bihainim yet Indonesia long mani bilong ol na pasim rot bilong fridom bilong ol pipel bilong yumi yet?

Mipela singaut long hevi bilong Wes Papua i mas go het long komiti bilong Yunaitet Nesens long rausim ol long pawa bilong ol Indonesia gavman.



Pisful mas bilong West Papua long Pot Mosbi sampela yia i go pinis. *Poto: Intanet*

Tripela lain i yusim giaman nem

OL polis long Is Nu Briten (ENB) provins i holim pasim tripela lain long ol i bin giaman na yusim nem bilong la KUUK klen memba na kism royelti mani mak long K15, 600 long Agmark NGIP Limited.

Ol i bin holim pasim Laitia Inara, Ben Temean na Meriam Temean bilong ENB provins bikos fainensel stetmen bilong Agmark NGIP Limited strongim

olsem ol i baim dispela mani long ol tripela lain.

Ol kompleina, Nancy Nela na Steven Mari, i lukim dispela fainensel stetmen na tupela i tok strong olsem ol dispela tripela lain i giaman na kism dispela mani bikos ol i no memba bilong klen bilong Nela na Mari.

Ol polis i lukim dispela fainensel stetmen olsem em i tru na ol i

holim pasim ol 3-pela lain na ol i sasim ol na lokim ol long Kokopo polis sel, na nau ol i weit long sanap long kot.

Long wankain taim long Sarere 13 Mas, 2016, sampela lain, we ol i no bin luksave long ol long dispela taim bikos ol i karamapim fes bilong ol wantaim mask, i bin holim bus naif wantaim gan na i wokabout i go insait

long Lorengau En-taprais Limited. Ol i bin pretim ol woklain bilong stoa wantaim ol kastoma na stilim K48, 500 kes mani wantaim ol kago mani mak long K71, 752.

Ol polis i ronim ol na holim pasim wanpela bilong ol na lokim em long Lorengau polis sel na em i weit long sanap long kot. Ol polis long Manus i painim ol narapela stil man yet.

Pis Ko Volantia long Vanuatu sainim tok promis



Meri makim U.S. Embeseda, Ebert-Gray lukim 36 nupela Pis Ko volantia bilong Vanuatu i sainim tok promis bilong ol.

U.S. Embeseda Catherine Ebert-Gray i witesim wanpela seremoni we ol 36 Pis Ko Volantia i mekim tok promis bilong ol long Pot Vila, Vanuatu long Epril 1, 2016.

Ol volantia bilong Pis Ko i wokim trening planti mun long kalsa, tokples, na teknikal trening long Vanuatu, katri we ol i stap wok long en. Nau bihain long ol i wokim pinis tok promis bilong ol, planti bai lusim Pot Vila na go long ol wok ples bilong ol long ol wanem ol wok ol i save mekim insait long ol komyuniti bilong Vanuatu.

Ol bai stap na wok long ol dispela ples inap long tupela yia long ol eria bilong helt, edukesen, envaironmen, egrikalsa, na

komyuniti ikonomik developmen. Wanpela bikpela salens we nau i bungim ol ni-Vanuatu em long daunim hevi bilong klaimet senis. Pis Ko Volantia bai skulim ol komyuniti long lukautim na holim gut envaironmen na bihainim klaimet senis.

Long taim bilong wokim tok promis, Embeseda Ebert-Gray i tok amamas long ol Volantia long strongpela tingting na spirit bilong wok, na em i tok welkam long ol i kam insait long gutpela pasin bilong Pis Ko Volantia husat i save helpim long kamapim luksave bilong ol pipel bilong Amerika na Yunaitet Stets insait long ol wok bilong ol long ol lokal skul, heltke, bisnis na komyuniti senta.

“Mi amamas tru long stap hia na witesim long tok promis seremoni bilong nupela Pis Ko Volantia.

Mi gat bikpela amamas olsem Embeseda bilong Amerika long lukim dispela tok promis seremoni.

Olsem ol lain i kism trening, yupela i stap olsem sampela nambawan lain tru long kantri bilong mipela long we bilong long wei bilong komitmen, save na strong bilong mekim wok,” Embeseda Ebert-Gray i tok.

Em i tokim ol tu long ol i mas givim sevis bilong ol stret long strongim ikonomi bilong Vanuatu long sanap strong na i go yet.

Pis Ko i save salim ol nambawan Amerika man na meri husat

i gat bikpela save, i go long ol narapela kantri long makim Yunaitet Stets long traim long painim rot bilong helpim ol turangu long wol long developim edukesen, helt, ikonomik developmen, egrikalsa, envaironmen na yut developmen.

Wantaim sevis bilong ol, ol volanti i kism save klia long sevis we i putim ol long mak bilong global ikonomi tude. Long taim Presiden John F. Kennedy i kirapim Pis Ko long 1961, klostu 220,000 Amerika man meri long olgeta kain krismas i bin wok pinis long 141 kantri long olgeta hap graun.

Klostu 800 Pis Ko volantia i bin wok pinis long Vanuatu long taim program i bin stat long 1990 i kam inap nau.

PNG POWER Ltd			
PORT MORESBY EMERGENCY LOAD SHEDDING SCHEDULE			
EFFECTIVE AS FROM THURSDAY 07/04/16 (CONTINUE FOR INDEFINITE PERIOD)			
Sub/STATION	FDR #	LOCATION AREA DETAILS	OUTAGE TIME
KONEDOBU	8	Hanuabada, Pom Tech.	8AM - 9AM
KONEDOBU	2	Badili, Kaugere, Sabama, Two Mile, Parts Korobosea, SVS.	
KONEDOBU	3	Town, Park Royal, Ela Beach, Bampton St, Davara Motel, Airovos Ave, Touaguba, Stop N. Shop, Flour Mill.	9AM - 10AM
BOMANA	2	Parts of 9 mile, DPI Compound, Moitaka Power Station, Erima wild life, Parts of Erima, Stop & Shop, Big Rooster.	
BOMANA	1	Rouna Quarries, Laloki Mental, Police College, CIS College, Nari 1&2, Goldie Barracks, Mt Los, Nazareth Mission.	10AM - 11AM
BOROKO	3	Gordons Int. School, Cameron Rd, Sir John Guise Stadium, Erima Shopping Centre, Air Niugini Housing.	
BOROKO	8	Magi Highway, Bautama, Gaire, Kwikila.	11AM - 12PM
KONEDOBU	4	Marine Base, Yacht Club, Dock area, IRC, Bank of PNG, US Embassy, Paga Hill.	
KANUDI	3	Hanuabada, Pom Tech.	12PM - 1PM
WAIGANI	3	Telikom Housing Waigani, National Development Bank, NBC Wardstrip, Telikom Complex, Haus Tisa.	
BOROKO	2	Parts of Gordons Ind. Area, Murray Int, SP Brewery, National Newspaper, Westpac Waigani BSP Islander.	1PM - 2PM
KONEDOBU	7	Parts of Down Town, STC HQ. Defence Building, Parts of Ela Beach, Deloitte Tower, BSP, Parts of Down Town.	
WAIGANI	2	Holiday Inn along Waigani Drive to Cathay, Tokarara, Hohola No. 4.	2PM - 3PM
BOROKO	5	Parts of Bko, Brian Bell, Ori Lavi, Taurama Shopping centre, 2 Mile, Ela Motors, Pacific View Apartments 4 Mile Area.	
BOROKO	7	Parts of Gordons Ind. Area, Hohola, Bowmans, Coca Cola, Steel Industries, Works HQ, Eda Ranu, Stop & Shop.	3PM - 4PM
KONEDOBU	6	Lawes Rd, Post Courier, Le-Hunter Rd, Koki Point, Telikom Exchange, Andersons Foodland, Windward Motel.	

This schedule is provided as a guide only and may be altered without any notice should there be a generation shortfall beyond our control. Consumers with private gensets are encouraged to run their sets at the times scheduled to avoid inconveniences.

PPL SINCERELY APOLOGISES FOR THE INCONVENIENCE CAUSED.

Morobe skul luksave long Wol Wara de

Stori na poto i kam long Paul Kari bilong Wol Visen Komyunikesen

WOL Wara de i save kamap long wan wan yia, na em i save autim wanpela gutpela samting long dring fres wara.

Aninit long bikpela tok-tok, 'Wara na ol Wok,' UN-Wara na ol patna i givim sans long ol komyuniti raun long wol long bungim olgeta wok we i bin kamap long ol narapela Wol Wara de bipo na antap long dispela ol i kamap wantaim wok Poroman bilong wara na gutpela asenda bilong wok long painim sastenebol developmen.

Wol Visen i lukim Wol Wara De olsem taim bilong givim sans long Wara na Senitesen na Haijin (WASH) na ol Helt program long i go pas na kamapim ol ples we o lain long komyuniti inap mekim wok wantaim na lainim moa long dispela bikpela tingting bilong



Wara em i laip – pilai bilong ol Gret 10 boi bilong NAWAEB Hai Skul

Wol Wara De. Ol bai lainim moa long gutpela samting wara inap wokim na long save moa olsem gutpela wara em i wara human rait, na tu ol i ken kempein long yusim wara long kamapim gutpela sindaun long helt, edukesen o komyuniti developmen olgeta taim na i no long Wol Wara De tasol.

Long Mas 22, Wol Visen WASH Projek wokman na meri i holim Wol Wara De slebresen long Ngariawan Praimeri Skul na Nawaeb Hai Skul wantaim ol sumatin na tisa bilong Hobu Elementri

na Praimer skul na ol lain bilong komyuniti arere. Ol i wokim pilai drama, song na danis long tok-tok bilong wara.

"Bikpela amamas i bin stap taim ol sumatin i ritim ol poem, esei, drama na song long wara em i bikpela samting na ol pipel i mas lukautim gut long em i stap longpela taim," projek wokman Welly Enas long Morobe i tok.

Ol wokman na meri bilong Wol Visen i wokim sampela bikpela awenes toktok long Mentenel na Pikinini Helt na long orol helt edukesen o helt bi-

long maus long planti hap kona bilong dispela komyuniti.

WVPNG WASH program i save strongim ol bikpela toktok bilong gutpela helt pasin olsem wasim han na gutpela senitesen o ples bilong toilet na gutpela we bilong lukautim toilet.

Wantaim ol narapela helt patna, WVPNG skul WASH i lainim ol was lain bilong ol pikinini long ol i mas lukautim gut ol pikinini na stretim komyuniti long ol i gat gutpela seif wara na gutpela senitesen.



WV Helt wokmeri, Stella Muriki skulim mama long ol gutpela kaikai bilong pikinini.

Traibel Faundesen givim bebi bet long Sopas haus sik



Nupela bebi woma bilong Sopas Haus sik long Enga. Dr Lino Tom, CEO bilong Enga Provinsal Helt Atoriti, Mr Aaron Luai, Darekta Operesen bilong Tribal Foundation, Michelle Hau'ofa na Dr Guboro Urae i sanap holim nupela bebi woma masin long Sopas Haus sik long Enga Provins. Poto Nicky Bernard.

Nicky Bernard i raitim

PNG Traibel Faundesen i givim wanpela moa hot bebi bet na pototerapi long wanpela bikpela haus sik long kantri, SOPAS Haus sik long Enga Provins.

Displea presentesen em Michelle Hau'ofa, bilong Traibel Faundesen i bin wokim long las wik Fonde 31 Mas.

Tupela ikwipmen bilong haus sik i bin kost olsem K40,000. Displea donesen i bin kam long Jeneral Ilektrikel (GE), wanpela dona bilong Traibel Faundesen

Donesen bilong GE Faundesen i soim strongpela tingting bilong GE na Traibel Faundesen long helpim wok bilong helt na Enga Provinsal Helt Atoriti aninit long lidasip bilong Sir, Peter Ipatas.

Mis Hau'ofa i tok long taim bilong givim aut ol masin long SOPaS haus sik olsem, matenel na pikinini helt nem i bikpela samting na helt bilong mama na pikinini em i wanpela indiketa o mak bilong soim olsem komyuniti na kantri bai go het.

Sapos sindaun na helt bilong mama na pikinini i orait em i min olsem komyuniti na kantri tu bai orait. Sapos sindaun bilong tupela i no orait, komyuniti na kantri tru bai i no orait.

Bilong wanem mama i makim taim nau, long stretim gutpela

sindaun long famili na komyuniti, na pikinini i makim taim i kam yet, long bihain long wokim gutpela wok i go het yet long bihain. Traibel Faundesen wantaim GE i gat mama na pikinini helt program insait long Enga Provins pinis.

Vscan Pailot Program i stap pinis long 7-pela helt fasiliti long Enga. Displea em i projek bilong GE, wantaim Enga Provinsal Helt Atoriti na Traibel Faundesen wantaim. I gat narapela program tu em Ball & Binder program bilong stopim blut taim mama karim bebi.

"Nau mi givim dispela hat bebi bet na pototerapi lait long givim gutpela sans long ol liklik bebi husat i nidim spesel kea bihain long mama i karim ol. Displea gutpela presen i kam bikos long GE," Mis Hau'ofa i tok.

Peter Loko, bos bilong GE insait long PNG i no bin stap tasol em i bin salim toktok bilong em i kam olsem; "GE em i laik long sapatim Traibel Faundesen na Enga Provinsal Gavman long mekim wanpela bikpela senis long ol bebi i no ken dai nating insait long PNG.

GE wokman i tingim wok long Enga bikos em i wanpela provins tasol we planti bilong ol i bin wok long en, ausait long NCD na Sentral Provins.

PMGH toksave long Dengi Fiva

POT Mosbi Jeneral Haus sik (PMGH) Sif Eksekutiv Opisa, Grant Muddle long dispela wik i tokaut klia long sik Dengi Fiva insait long haus sik na long siti.

Mista Muddle i kliaim tingting long ol pipel long toktok long sik Dengi Fiva i kamap insait long Pot Mosbi siti.

Muddle i tok, sampela lain i kisim sik na i kamap long Pot Mosbi Jeneral Haus sik, na ol i bin kisim tritmen tasol tupela i bin dai.

Plantu milien dengi fiva infeksiens i save kamap long wol olgeta yia na em i wanpela bikpela sik insait long Saut Is Esia na ol West Pasifik ailan.

I gat wanpela kain moskito we i save karim binatang bilong dengi fiva. Displea moskito i save raun long de taim tasol.

Taim em i save kaikai wanpela man o meri husat i gat dengi fiva na i go kaikai narapela gen, em save salim dispela binatang i go long narapela we i save mekim wanpela moa sik wantaim dengi fiva.

Em i wanpela kain sik we i save stap long ol kain hatpela kantri olsem

Papua Niugini.

Liklik dengi fiva tasol i save kamapim skin hat, skin skrap, na masol na join bilong bun i pen. Strongpela dengi fiva we ol i save kolim hemorrhajik fiva, inap long mekim sikman o meri long lusim blut, blut presia i go daun (kirap nogut) na inap long dai.

I gat ol saientis i mekim risets nau long painim vaksin bilong dengi fiva. Tasol pastaim long dispela i kamap, em i gutpela long rausim ol ples we moskito i save karim kiau na kamap planti.

Em i gutpela long pasim rot bilong em pastaim olsem banisim ol pipel wantaim ol marasin bilong kilim binatang o moskito na slip aninit long moskito net. Displea moskito em i save kaikai man long ol taun o eben eria olsem Pot Mosbi.

Mista Muddle i tok, "Dengi Fiva em i no wanpela samting we bai mekim yumi long guria na pret nating long dispela sik i stap long kantri. PMGH i gat ol marasin na wei bilong stretim i stap pinis. Mipela i lukim pinis 12-pela lain insait long ol dis-

pela wik i go, we tupela i bin dai pinis. Em i gutpela long ol pipel i mas save olsem Dengi Fiva em i save kamap long wanpela bilong ol 4-pela dengi vaires we moskito i save karim raun na em i save stap insait long ol hap we ol pipel i save stap na mekim wok.

Taim wanpela moskito i kaikai wanpela ma o meri husat i gat dengi vaires, vaires i save kalap long moskito. Taim moskito i karim vaires i go na kaikai narapela man, vaires i save go insait long blut bilong dispela man.

Bihain long yu kamap orait taim yu kisim dengi fiva vaires pinis, yu gat banis pinis na dispela vaires i no inap long kisim yu gen, tasol ol narapela tripela we yu no kisim yet bai inap long kisim yu.

Dengi fiva o hemorrhajik fiva i save go bikpela sapos yu kisim gen namba tu taim, tri o foa taim. Olsem na em i bikpela samting long yu mas was gut long no ken larim moskito i kaikai yu." Mista Muddle i tok.

Plantu pipel, moa long ol pikinini na yangpela man na meri, bai i no inap long

lukim ol kain sain bilong sik sapos ol i kisim liklik binatang tasol.

Em bikos ol i gat strongpela banis ol soldia bilong bodi i banisim ol. Tasol taim i gat sain olsem, ol i save stat long 4-pela o tempela de bihain long moskito i kaikai yu.

Ol sain bilong dengi fiva i olsem; strongpela skin hat olsem 41 digri selsis (41C), het i pen, masol na bun na join i pen, pen long baksait bilong ai bilong yu. Sampela taim bai yu pilim olsem yu gat skin resis o skrap olgeta hap long bodi, pilim bel i tanim, tanim na yu laik traat, wan wan taim bai blut i kamap long ol gam long maus na long nus.

Ol pen na skin hat marasin olsem Paracetamol (Panadol, na o narapela) inap long daunim pen na fiva. Tasol no ken kisim ol pen marasin we inap long kamapim sampela hevi long blut olsem aspirin, ibuprofen (Advil, Motrin IB) na naproxen sodium (Aleve) yu gat sampela kain sain, yu mas go long lokal eben klinik klostu long yu na lukim ol nes na dokta.



PIH Saveman *Nius*

“I kam long Pacific International Hospital Port Moresby”

Ph: 311 3000 and 799 88000 Website: www.pihpng.com


Multi-Drug Resistant Tuberculosis

According to the national health authorities of PNG, TB infection in the country is a “national emergency” requiring to be tackled on a war footing. With one of the highest TB infection rates in the world, drug-resistant strains of tuberculosis are causing a disaster in PNG. Approximately 30,000 people in the country are newly infected with TB every year with increasing cases of drug-resistant strains.

These drug resistant strains are difficult to treat even with the most effective TB medication. Thus, patients are left with a more severe strain of infection and less effective treatment options. Understanding the urgency to curtail the spread of multi-drug resistant TB, government, public, private sectors and healthcare workers all should come together to combat the escalation of drug-resistant cases in PNG.

What is Multi-Drug Resistant –TB?

TB bacteria can grow resistance to many TB drugs used to cure the disease; they develop into a unique strain of multi-drug resistant tuberculosis or M-D-R-T-B as it’s known. These strains do not respond to isoniazid and rifampicin, the two most



powerful anti-TB drugs, leaving the patient with an even severe strain of TB bacteria that is difficult to cure.

Causes of MDRTB

Not undergoing proper TB treatment, incorrect use of antibacterial drugs, use of ineffective formulations of drugs (e.g. use of single drugs, poor quality medicines or bad storage conditions), and discontinuing treatment can all be the reasons for drug resistance.

Solutions to control drug-resistant TB are:

- TB screening tests for timely diagnosis
- Curing the TB patient the first time
- Ensure adequate infection control measures
- Ensure the appropriate use of recommended second-line drugs
- Educate public and raise awareness on prevention and treatment

TB treatment may require a daily regimen of injections, oral medication, and supervised medical care for anywhere between 6 and 24 months. To prevent MDRTB it is necessary for every TB patient to complete his or her treatment.

Prevalence of MDR-TB in PNG

Multi-drug resistant cases in PNG have increased almost by 2% since 2013. The epicenters of drug resistant TB are the rural Western and Gulf Provinces. Daru Island is the centre of this epidemic and the rates of drug-resistant TB are among the highest documented globally. As per a study by the national TB control programme 2016, the levels of MDR-TB found in PNG are higher than those reported by high MDR-TB burden countries such as the Philippines and Vietnam.

The higher prevalence of drug resistance in this area is because of poor treatment, large number of patients not finishing the treatment course, poor quality diagnosis (with smear microscopy) and poor DOTs program execution.

Overcrowded settlements and extreme poverty also play a major role in escalating the spread of MDR-TB infection.

MDR- TB and HIV

In 2014, at least one-third of people living with HIV worldwide were infected with TB bacteria. People living with HIV are 20 to 30 times more likely to develop active TB disease than people without HIV (WHO 2015). In such immune compromised cases it becomes more difficult to treat drug resistant TB. In PNG with high prevalence of HIV and AIDS the transmission of MDRTB infection can be even more rampant.



MULTI-DRUG RESISTANT TB (MDR-TB) INFECTION IS SPREADING ACROSS PNG AT AN ALARMING RATE

MDR-TB is difficult to treat even with the most effective anti-TB drugs.

Take action to stop TB from spreading:			Get TB Screening done at PIH, at just PGK 199*
Get TB Screening Tests done	Never stop TB treatment until fully cured	Strictly follow infection control measures	




Pacific International Hospital : Sec 105, Lot 2, Taurama, 3 Mile, Port Moresby, PNG, Ph: 799 88 000
 PIH Clinic : Ground Level, Vision City Mega Mall, Waigani Drive, Port Moresby, PNG, Ph : 7 100 2873
 info@pihpng.com | www.pihpng.com | /pihpng | @pihpng



OL Katolik bisop bilong PNG na SI i holim AGM ... Selebretim 50 krismas bilong ol daiosis

Pater Victor Roche SVD
i raitim



Ol Katolik Bisop bilong PNG na SI i selebretim 50 krismas long kirapim ol daiosis. Foto: Pater Victor Roche SVD

ASKIM i go long ol Katolik Sios manmeri long PNG na Solomon Ailan (SI) long pre long ol bisop bilong ol i bung nau long Vanimo, Sandaun Provins long namba 57 Anuel Jenerel Miting (AGM) bilong ol.

Samting olsem 22 bisop bilong PNG na SI bai bung long tupela wik, stat long dispela wik Mande Epril 4 na bai pinis long neks wik, Fraide, Epril 15, 2016.

Ol i toktok long ol bikpela samting i karamapim sios na tu, kantri wantaim.

Long wankain taim tu, bung na Katolik Sios long PNG wantaim i selebretim 50 yia bihain long kirapim ol Katolik Daiosis bilong PNG na SI.

Long yia 1884, PNG na Solomon Ailan i bin stap aninit long Vikariat Apostolik bilong Maikronesia na Melanesia na long lukaut bilong Misineri Kongrikesen bilong Sosaiti ov Mary or Marist.

Long 1845, ol Marist i bin stap long San Cristobal long Solomon Ailan na long 1848,

long Siassi Ailan, long PNG. Pontifikel Institut bilong Foren Misin (PIME) i bin kirsapim wok long Wudlak Ailan, Milen Be.

Taim ol yia i go, tupela kantri i bin kam aninit long ol wan wan Apostolik Vikariat na long Novemba 1966, ol i bin kirapim ol daiosis long PNG na SI.

Tude, i gat 19 daiosis long PNG na tripela long SI.

Nem bilong tripela daiosis

long SI em long 1. Honiara (Asdaiosis), 2. Auki, 3. Gizo.

Ol 19 daiosis long PNG na long Ailans Rijon em: 1. Rabaul (Asdaiosis), 2. Kavieng, Manus, 3. Bogenvil na 4. Kimbe. Long Sauten: 5. Pot Mosbi (Asdaiosis), 6. Bereina, 7. Kerema, 8. Alotau, 9. Daru-Kiunga. Long Hailans Rijon: 10. Mt. Hagen (Asdaiosis), 11. Kundiawa, 12. Goroka, 13. Mendi, 14. Wabag na long Momase Rijon: 15. Madang

(Asdaiosis), 16. Aitape, 17. Wewak, 18. Lae na 19. Vanimo.

Het tok bilong AGM bung long dispela yia i beis long Yia bilong Marimari Pop Francis i bin toksaut long en olsem: Serim Gutnius bilong Marimari."

Long AGM bung bilong ol las yia, ol bisop i bin makim Vanimo olsem daiosis we 2016 AGM bung bilong ol bai kamap long en.

Vanimo i welkamim ol Katolik Bisop bilong PNG na SI

Pater Victor Roche SVD
i raitim



Ol bisop i painim hap bilong ol long sindaun pastaim long Misa lotu i stat. Foto: Pater Victor Roche SVD

OL KATOLIK manmeri long Vanimo, Wes Sepik provins i bin givim bikpela welkam long 23 bisop bilong PNG na Solomon Ailan (SI) taim ol i go sindaun long Anuel Jenerel Miting (AGM) long Vanimo Daiosis.

Ples i bin paia taim ol pipel i bin putim kamap ol singsing na danis tumbuna long dispela Mande taim namba 57 AGM i bin stat.

Dispela em i namba wan taim AGM bilong ol Katolik Bisop bilong PNG na SI i kamap long Vanimo Daiosis na wantaim bikpela amamas, na welkam long ol bisop na ol seketeri bilong Konprens bilong ol bisop, na ol lain i makim gavman i bin kamap long Vanimo Gren Sten.

Ol pipel bilong nambis, ol skul sumatin na sampela wok-lain long eria i bin bung na putim kamap ol singsing na danis na tok welkam long ol bikman bilong sios.

Bikpela amamas i bin kisim ol pipel husat i bin autium amamas bilong ol olsem stap bilong ol bisop long hap em i bikpela blesing long ol.

Bihain long welkam seremoni ol lain bilong daiosis i bin kamapim, ol bisop i bin go

long Hetkwata bilong Santu Anthony Daiosis long statim

AGM wantaim preia na edres bilong presiden.

Divain Mesi i selebretim pestode

SAMTING olsem 600 memba bilong Divain Mercy i bin selebretim pestode (bilong Divain Mesi) long las Sande long Sen Francis Xavier Katitrel long Kuraga long Rabaul Asdaiosis, is Nu Briten Provins.

Long go pas long selebresen na Misa lotu, em nupela peris pris, Pater Allen Cosquejo husat i bilong Daiosis bilong Sidni, Australia. Ol narapela pater i bin helpim long dispela misa lotu selebresen em Din Pater John Rongdiat na Spirituel Dairekta, Pater Paul Tabalar.

Ol 600 Divain Mesi memba i bin kam long Rabaul Dineri na tripela peris olsem Mala-

gunan, Ramamal, Volavolo, Ra baul na 12-pela sab peris bilong ol. Grup i bin pinis taim smok bilong maunten paia i bin bagarapim ples.

Wanpela pastaim perisina bilong Pot Mosbi Asdaiosis na liklik prea grup bilong em i bin statim Divain Mesi long Sen Francis Xavier Kuragaga long yia 2000

Olsem na long mun Febueri long dispela yia, ol i bin ststim nupela Divain Mesi grup. Dispela grup tasol i bin go pas long ol wok bilong selebresen wantaim ol memba bilong Sen Michael Peris, Matupit.

Mesi prosesio i bin stat long

De namba tu i bin lukim ol bisop i wokim misa lotu long tingim ol misineri i bin wok long PNG na ol i dai na moa yuet, ol bisop.

Ol i bin askim Pater Stephen Rossetti bilong Luke Institut long Amerika long givim tok-tok long ol bisop long AGM bilong ol.

Het tok bilong dispela AGM em, Serim Gutnius bilong Marimari na 50 krismas bihain long kirapim Katolik Daiosis bilong PNG na SI long Novemba 15 1966-Novemba 15, 2016.

Het tok bilong dispela AGM em, Serim Gutnius bilong Marimari na 50 krismas bihain long kirapim Katolik Daiosis bilong PNG na SI long Novemba 15 1966-Novemba 15, 2016.

Het tok bilong dispela AGM em, Serim Gutnius bilong Marimari na 50 krismas bihain long kirapim Katolik Daiosis bilong PNG na SI long Novemba 15 1966-Novemba 15, 2016.

Yut, Meri na
Famili
Pastor
Barbara Lunge

Digim Wara i gat Laip bilong yu yet

DIGIM lewa bilong yu i go insait long kamautim wara i gat laip insait long yu.

I gat wanpela as bilong wara insait long lewa bilong wan wan man na meri na ol i mas bungim wantaim bikpela Wara bilong Laip. Olsem na bai yumi no inap long kisim taim long taim bilong san i kukim yumi, taim hangre long kisim yumi, lusim ol propit bilong ol egrikalsa kes krop bilong yumi olsem.

Yumi mas luksave long tok hait o misteri bilong bikpela laikim bilong God na yumi mas tok tenkyu long dispela olgeta taim.

"Mi ting long ol dispela samting Papa i bin mekim na mi save brukim skru long en. Em i Papa bilong olgeta lain i stap long heven na long graun, na em yet i givim nem long olgeta dispela lain. Mi save brukim skru na prea olsem, Papa i bin makim ol planti gutpela gutpela samting tru bilong givim yupela, olsem na em i ken pulapim Holi Spirit bilong em long bel bilong yupela, na mekim yupela i stap strong tru. Na long bilip bilong yupela, Krai i ken i stap long bel bilong yupela. Na pasin bilong laikim tru ol arapela, em i ken kamap strong tru insait long bel bilong yupela na mekim yupela i sanap strong, olsem graun i save holimpas rop bilong diwai na mekim diwai i sanap strong. Olsem na yupela i ken kisim strong wantaim olgeta manmeri bilong God, inap long yupela olgeta i ken laikim tru ol arapela, em i bikpela tru, na i go long-pela moa, na i go antap tru, na i go daun moa. Yes pasin bilong Krai long laikim tru ol arapela, i ken save tru long en. Na olgeta gutpela samting i pulap long God yet, ol i ken pulap long yupela tu. Strong bilong God yet i save wok long bel bilong yumi, na dispela strong i winim tru tingting bilong yumi. Olgeta samting yumi save askim God long mekim, ol i no inap tru long mak bilong strong bilong en." Efesis 3:14-20

Namba wan samting, yumi olgeta i mas save long laikim bilong God em i bikpela tumas na em i go daun moa, i winim bikpela solwara na i go insait tru! Namba tu, laikim bilong God em i op bikpela moa. Em i op i winim olgeta skai na graun na winim save bilong yu na tingting bilong yu! Namba tri, laikim bilong God em i antap tumas i winim heven i go antap!

Dispela pasin bilong laikim bilong God i mas pulimapim lewa bilong yumi i go pulap tru long mak. Na yumi olsem ol embaseda bilong God, i mas no ken sot long ol lo na pasin bilong kingdom bilong God.

Salens long yumi em olsem yumi mas hangre tru long go insait moa, opim laikim bilong God moa long pulimapim yumi i go op moa na i go antap moa long yumi mas lukim tru olgeta pasin bilong laikim bilong God.

Bilong pinisim tok, wanpela fevoret song yumi mas singim olgeta taim long tingim pasin bilong laikim long i kamaut long as bilong wara i gat laip em long tok Inglis; "I want to be a channel for the river of God. So dig me deep Lord and dig me wide. I want to be a channel of the river of God." Dispela song i tok, mi laik kamap rot bilong wara bilong God i gat laip long ran insait long mi na i go aut.

Dispela toktok bilong song i mas kamap prea bilong yu long olgeta de long yu lukim tru tok hait o misteri bilong bikpela Laikim bilong God olsem Wara i Gat Laip!

Ol pablik kar pak i mas stap long plen bilong ol taun na siti



TUDE long ol bikpela siti bilong kantri, i gat moa kar na ol PMV na teksi na trak na ol arapela kain masin i save ran long rot.

I gat moa pipel i draivim ol kar na planti taim ol rot i no inap long namba bilong ol kar na PMV.

Long Mosbi ol rot insait long siti i no inap long namba bilong ol kar.

Namel long hap pas seven na 9 klok moning, ol kar i pasim ples na trefik i save ran isi isi tru. I no gat tok long dispela bikos em i pasin bilong siti we moa manmeri na ol kampani i gat kar.

Tasol i gat narapela bikpela hevi i wok long kamap nau. I no gat inap pablik spes bilong lusim ol kar. Ol pipel i putim kar nabaut long rot o antap long ples bilong wokabaut o long kona bilong rot bikos i no gat ples bilong lusim kar.

Insait long Mosbi siti yet, i no gat spes. Long taim bilong wok, ol manmeri i save hatwok tru long painim spes bilong pakim kar.

Ol bisnis i wok long sanapim moa haus na banisim ples we ol pablik i save putim kar olsem na i no gat fri spes moa long pakim kar.

Long ol arapela bikpela siti long wol, i gat gutpela plen bilong ol developmen i kamap insait long siti. I gat plen bilong ol pablik spes bilong raun na malolo, i gat spes



bilong ol pilai graun na i gat spes bilong putim kar. Ol dispela plen i stap ples klia na ol pipel i luksave na soim rispek.

I tambu tru long senisim mak na mekim ol kain ples olsem i kamap ples bilong sanapim haus o kamapim bisnis. Na we ol bikpela opis haus i sanap, i mas gat pablik paking spes insait long bilding o arere long en we ol wokman na meri o ol kastoma i ken pakim kar bilong ol.

Husat ol lain i save wokim ol plen bilong ol bikpela siti i mas tingting tu long putim ol pablik paking spes insait long plen.

Sapos i no gat inap graun, orait sanapim bilding we ol pablik i ken baim spes bilong pakim kar. Ki-

rapim ol seif ples bilong pakim kar em i wanpela bikpela bisnis long ol arapela hap long wol na i ken kamapim hia tu long ol siti olsem Mosbi.

Populesen bilong ol manmeri na ol kar i wok long gro hariap tru na yumi mas tingting long taim bihain we siti i mas ran gut na ol pipel na bisnis i ken mekim gut wok bilong ol.

Yumi ken spendim planti milien kina long wokim moa rot bilong ol kar insait long siti, tasol sapos i no gat spes bilong pakim ol dispela kar, ating yumi popaia liklik.

Insait long las 10-pela yia, pes bilong ol taun na siti i senis. Sampela i lukim ol gutpela senis i kamap na sampela i no lukim

wanpela senis i kamap.

Long taim i gat gutpela lida na ol gutpela wokman na meri husat i wok bung, bai ol gutpela senis i kamap.

We i gat planti salens na planti politiks i kamap, yumi lukim olsem senis i kamap isi tru bikos ol lida i bisi long pulim na taitim namel long ol yet na i no tingim ol pipel.

Dispela em i piksa bilong ol lida bilong yumi long PNG tude.

NCD na Mosbi siti i gro hariap tru na planti ol nupela wok i wok long kamap yet long skruim ol kain kain developmen insait long siti.

Mosbi em i bikpela siti bilong PNG na yumi resis long kisim

nem, 'nambawan siti' long Pasifik. I gat strongpela gavana bilong siti wantaim ol gutpela manesa husat i stiaim ol kain kain developmen yumi wok long lukim nau.

Nesenel gavman tu i lusim bikpela mani long developim siti.

Yumi amamas long lukim ol bikpela haus na bisnis i kamap. Em i mak bilong developmen insait long bikpela siti bilong yumi.

Tasol long wankain taim tu, mobeta ol i no mas lusim tingting long ol liklik samting olsem ol seif ples bilong pablik i pakim kar.

Sapos ol i stretim dispela liklik hevi nau, bai long bihain taim, ol pipel bai luksave long dispela hanmak bilong ol lain husat i lukautim siti.

No ken lusim tingting long Bikpela ... em i rot bilong bel isi laip



OLPELA buk testamen Proverbs long sapta 9, ves 10 (Proverbs 9:10) i tok long as bilong man i kisim save na save long skelim tingting na mekim ol gutpela disisen em taim man i pret long God.

Tasol Proverbs em King Solomon i raitim, man husat Baibel i tok God i givim em dispela save bihainim askim em i mekim long Bikpela.

I tru, pret long God i as bilong kisim save na wan wan bilong ol manmeri i sutim dispela tok i go long laip bilong ol yet o long laip bilong famili, poroman na komyuniti bilong ol.

Long tude, ating bikpela komyuniti bilong yumi long Papua Niugini, stat long Praim Minista i go daun

long liklik manmeri i laikim tasol poroman pasin bilong em wantaim God long lukim gutpela sindaun.

Long manmeri i larim Bikpela i soim em long rot bilong stap long dispela graun i no hat.

Asua tasol long man i gat tingting bilong em yet (fridom).

Dispela fridom em God yet i givim na dispela fridom em bai i no inap long

kalapim na pusim manmeri long bihainim em.

Man nogut, Satan, i kisim dispela sans na i save pusim laik bilong manmeri long wanem samting ol i mas mekim.

Satan i man bilong kisim ol sot kat. Em i no laik long bihainim lo tru (natural law) bilong mekim ol samting.

Na manmeri husat strong bilong ol i no bikpela, i save laik tru long bihainim tingting bilong Satan. Ol i no laik long wet.

Long dispela as, planti samting i save bagarap, long man taim em bikpela.

Man i tok "Mi laikim samting na mi laikim nau tasol." Dispela tingting em Satan i gat long em.

Na olsem em i isi tru long

manmeri i bihainim tingting bilong God.

Long dispela as, taim manmeri i no wet, i no bihainim lo bilong netsa (nature), i no larim tingting na disisen bilong em long God i soim em rot, i save lukim hevi i kamap long laip bilong em.

Long Olpela Testamen buk Job 28:28 na buk Sam 111:10 i tok tu long dispela, olsem long God manmeri i ken gat gutpela na stretpela save na rausim tingting na pasin nogut.

Tingting bilong no ken brukim netsurel lo.

Long dispela as, Papua Niugini i mas oltaim putim God i go pas long lukim bel isi i stap long komyuniti bilong em.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Veronica Hatutasi

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Boys Town em i wanpela rait hap we yu ken kisim kol win na lukluk i go daun long Wewak taun.



Geit bilong Mercy Secondary School long Yarapos.




Matmat bilong Pater W.T. Liebert long Boys Town. Pater Liebert i bin statim National Narcotics Bureau na papa bilong Boys Town.



Ol kendel stik diwai long Wirui katolik sios.



Wom nambis i nais tumas, hat long toktok.



San i kirap arere long nambis bilong Windjama.



Ol kokonas long Passam.



Ol kokonas long Yarapos.



Pastaim nius man bilong Wantok Niuspepa, Godfrey Yassafar i sanap arere long Windjama nambis.



Wewak Taun na Kairuru Ailan i stap baksait long em taim yu sanap long Boys Town na lukluk i go bek.



Presiden bilong Wewak Ailan LLG, Pius Bugatar, i sanap long Japanis wo memorial long Boys Town.



Wirui Press em ples we Wantok Niuspepa i bin stat.

Wewak em i skel ples!

WEWAK bai kam laip taim bik grup manmeri long PNG na wol bai bung dispela wik long makim namba 80 bande long Gavana bilong Is Sepik na papa bilong PNG, Gren Sir Sir Michael Somare.

Wewak i stap orait tasol na ol manmeri i redi long amamas wantaim Gren Sir taim lapun man ya i redi long lusim politiks na stap tasol long ples.

Ol biknem hotel long Wewak olsem Village Inn, Boutique Hotel, Seaview na Wewak Hill hotel bai pulap long dispela wik bikos ol manmeri husat bai stap long Pot Mosbi na go Long Wewak i kisim olgeta rum.

Ol manmeri bai stap long ovasis tu na kam. Ol memba bilong royel famili long Tonga na sampela ol pikinini bilong pastaim Praitim Minista bilong Fiji Ratu Kamisese Mara, bai kam long Wewak.

Ol manmeri i klinim ples na katim gras arere long rot na ples i luk nais stret. Bikpela bung na ol program bai kamap long Sir Michael Somare stadium, ol man husat i go pas long stretim ples, i tok.

Tasol gutpela bilong Wewak em i no dispela tasol. Wewak em i wanpela skel taun stret. Sapos yu no gat wanpela samting long mekim long dispela wik, orait kisim balus o sip na pundaun long Boram ples balus o Wewak sip bris na yu yet go na lukim.

Wewak taun em i wanpela gutpela ples. Nambis bi-

long Wewak i no gat wanpela pipia na rabis.

Windjama nambis na Wom nambis i klin gut tru. Olgeta de dispela tupela nambis i save stap klin na no gat wanpela deti i save stap. Ila nambis long Pot Mosbi em i pulap long pipia.

Sapos swim long solwara i no inapim yu, orait yu ken kisim kar na bihainim Sepik Haiwe o ran I go long Dagua nambis bihainim Wes Kos haiwe.

Yu i ken kisim PMV o praivet kar na hitim Sepik Haiwe o West Kos haiwe. I gat planti gutpela ples na ol gutpela manmeri bai yu lukim long rot.

Sapos yu les long go raun long we hap, orait wanpela skel ples long go lukluk raun em i Boys Town. Dispela taun i stap long sait maunten bilong Wewak taim yu i abrusim Wirui Press na Wirui Katolik Sios.

Antap long Boys Town, strongpela kol win i save kam gut tru. Ol olupela masin gan na ol samting bilong pait we ol ami bilong Japan i bin yusim long Wol Wo 2 i stap gut yet.

Ol pater bilong Katolik sios long Wirui i save lukautim Boys Town na em i klin na nais olgeta de. Mat mat bilong Pater W.T. Liebert i stap antap long Boys Town.

Pater Liebert i bin statim National Narcotics Bureau bilong PNG tasol nau menesmen i bagarap na dispela gavman opis i pas.

Wewak em i wanpela ples we planti samting long histori i bin kamap. Long Wol Wo 2, ol ami bilong Siapan na Australia i bin pait long hap.

Ol ami bilong Australia i bin daunim ami bilong Siapan. Cape Wom Memorial Pak long Wom nambis em i save makim dispela sarena bilong ol Siapan.

Planti ol nupela hotel i kamap long Wewak na sapos yu wanpela lokal turis, yu mas go raun long Wewak bikos dispela ples i kamap olsem wanpela ples we ol turis i mas go lukluk raun.

Wewak em i kamap wanpela klinpela taun. Em i wanpela skel ples stret!



Wirui Katolik sios em i wanpela olupela na bikpela haus lotu.



Sefti mas stap long wokples na famili haus oltaim

OLGETA wokman bilong Ramu NiCo Menesmen i mas gat amamas long bel bilong ol olsem ol i wok long Ramu NiCo.

Rejista Deputi Jeneral Menesa bilong Basamuk Rifaineri, Adam Lukey i givim dispela toktok long pasim 2016 Nesenel Maining Sefti Wik long Sarere, Epril 2, 2016.

“Taim yu gat amamas long wok-ples bilong yu bai i gat pasin bilong onasip, rispek i stap olsem yu wokman na bai i gat veliu long wanem kain wok yu mekim long kampani long bringim ap prodaksen na tu bringim ap pasin bilong sefti,” Mista Lukey i tok.

Em i tok NMSW selebresin long Basamuk Rifaineri na KBK Main i bin kamap gut stret na moa wok na luksave i mas pas long het tok bilong dispela yia em “Road and Vehicle Safety” and “Say No to Non-Compliance”

Planti ol kain kain selebresen i bin kamap long Kurumbukari Main na tu long Basamuk Rifaineri long luksave long wok bilong sefti, helti na envairomen (HSE).

Mista Lukey i tok HSE em min long amamasim sefti wik. Em bilong olgeta wan wan wokman meri long stap helti na stap seif olgeta de. Olsem na mipela mas oltaim gat seif veliu na gutpela tingting long go long wan wan famili haus bilong yumi wantaim gutpela bodi na no gat bagarap nabaut.

Em i tok long helpim olgeta de sefti bilong yu, yu mas:

- Save gut long veliu bilong HSE polisi na prosidasa
- No ken larim ples we i no seif long narapela lain o HSE Dipatmen i stretim. Yu mas givim taim bilong yu long stretim;
- Lukautim sefti bilong yu yet na helpim ol wanwok bilong yu long gutpela pasin bilong sefti.

Planti ol kain kain program long luksave long NMSW i bin kamap long KBK Main na tu long Basamuk Rifaineri. Sampela long ol dispela program long BSK em posta kompetisen, spits kompetisen, ERT kres reskiu so na sefti pereid na mas na tu HSE awenes long ol skul long komyuniti.

Dispela NMSW program i surukim tu moa HSE awenes long olgeta wokman meri bilong Ramu NiCo, ol wokman meri bilong ol kontrakta na ol komyuniti.

Long KBK Main i lukim HSE tim i raun i go long Enekuai praimer skul long karimaut sefti awenes long gret 3 i go 7. Max Peter na Wang Wei i go pas long dispela.

Ol i karimaut awenes long jeneral helt na tu tokaut long wanem ol saming long abrusim long taim bilong birua na tu tokim ol sumatin long ol sefti lo long KBK Main.

Ol sumatin i askim planti kwesten long save long wanem wok i kamap long sait long maining na tu sefti stendet o lo long KBK Main.

HSE awenes long BSK i lukim ol HSE tim na CA tim i go givim toktok long Mindre elementeri skul we Vais Presiden Mista Xu Jian i go givim toktok long ol sumatin.

Pastaim long en, long Tunde i lukim VP Xu Jian wantaim Hu Zhiliang i wokabout na mas wantaim ol wokman long soim pasin bilong bung wantaim long luksave long sefti.

NMSW march at Basamuk Refinery.




HSE awenes long Enekuai praimer skul long Kurumbukari.




Dokta Ming Meng soim kung fu ekasesais long Mindre elementeri skul.



VP Xu Jian i givim skul toktok long Mindre elementeri skul.



Em nau! Ol pikinini i ken painim rot i go long ples wantaim Wantok lain...



STORI BILONG TUMBUNA

Watpo Rokrok na Binatang i no pren moa

Long bipo tru, Rokrok na Binatang em tupela i gutpela poroman tru. Wapela taim nau, tupela poroman i pasim tok bilong go long bus na painim abus. Long bik moning tru, tupela poroman i kirap na wokabaut i go long bik bus bilong painim welpik. Tupela poroman ya i wokabaut na wokabaut, i go antap long maunten na i go daun na wokabaut yet. Em nau, tupela i raunim na holim pasim wapela bikpela tit krungut welpik.

Binatang i holim pas welpik i stap na tokim poro Rokrok bilong go kisim rop bilong pasim pik. Rokrok em i go painim rop na em i pulim na pulim tasol rop em i strong tumas. Em i singaut long Binatang na tokim em olsem rop em i strong tumas. Binatang i tokim poro Rokrok bilong holim pik na em i go kisim rop. Em i go pulim rop na wantu tasol rop i bruk na tupela i pasim welpik.

Tupela pasim pik pinis, Binatang gen i tokim poro Rokrok bai i go katim diwai bilong karim pik. Poro Rokrok i go na sikirapim na sikirapim na diwai em i strong tumas. Rokrok i singaut long Binatang na taim Binatang i go wantu tasol diwai i bruk hariap. Tupela poroman i karim welpik na wokabaut i go bek long haus bilong tupela.

Taim tupela poroman i kamap long haus, tupela i karamapim pik na putim long mumu. Bihain, tupela i go long raun wara bilong pulumapim wara na waswas wetim mumu pik bilong ol bai i tan. Pinis waswas nau, tupela poroman i pulumapim mambu long wara na wokabaut i go long haus bilong tupela.

I no long taim na mambu wara bilong Rokrok i no gat wara nau, na em i go bek long raun wara na pulumapim. Em pulumapim pinis, Rokrok i wokabaut na wantu gen wara long mambu i pinis. Tingting i kisim em na taim em sekim mambu em, em i lukim liklik hap i bruk i stap. Kwik taim, Rokrok i kisim save olsem, poro Binatang i pilai trik long em. Rokrok em i toromoi mambu wara i stap na hariap tru em wokabaut i go long haus bilong tupela.

Longpela taim pinis Binatang i kamap long haus, em i rausim mumu na kaikai pinisim pik. Em i kaikai na bel bilong em i pulap tumas, na em i pekpek long mumu ston na karamapim gut i stap. Em nau Binatang i kalap antap long haus na sindaun silip i stap.


I no long taim na poro Rokrok em i kamap i kam na em i smelim pinis mumu pik. Em i kisim hap diwai na sutim long mumu na em i smelim na i smel nais tumas. Em nau, Rokrok i kaikai traim na mumu em i nais tumas. Nau Rokrok i tok, mumu pik em i tan gut tru na nau bai mi pinisim laik gut tru long kaikai pik.

Hariap tru, Binatang singaut na askim poro Rokrok olsem, "Yu stap we na mi wetim yu longpela taim tumas. Mi ting olsem bai yu no inap kam nau na mi rausim mumu pik na kaikai pinisim pinis. Pekpek bilong mi em tasol nau mi karamapim i stap long mumu ston."

Taim poro Rokrok i harim dispela, em i belhat nogut tru na em ranim Binatang na kaikai em. Na long dispela taim inap long nau, Rokrok na Binatang tupela i no poroman moa.

By Blaise Tangal Kokopo - ENB

Ansa bilong Wod Pilai isu 2168



PAINIM WOD PILAI

- | | | | |
|----------------------|----------------|----------------|-----------------|
| <i>Ol wod lista:</i> | BANISIM | HEPI | LEVELIM |
| | DRAIVIM | HAPASDE | MIKSIM |
| AISKRIM | DRAM | HARIM | MANGRO |
| ASUA | DISPELA | INAP | NAISPELA |
| ANIVESERI | GRILE | KAKANG | NAMEL |
| BIRUA | GRISMAN | KARAMAP | PULIM |
| BLEMIM | GREDA | LAPUN | SAPIM |

A B Z W D R P R B R C X B F F S E S N N E J B V M
 F T I F A P S Z S R Q G I E W N G O A R J R M W G
 S F E R S E R K E Y H I O E F W A Q R X S J G R A
 T R C I U T R S D R A M A M N P N P C H E N O G H
 C K N T A A K I D I E D I N E S W S M I J H G A M
 O T I N A P A Y T H E V M E E K K M F V V J F S S
 E T N D R S K P K R I L L M D N D Y R E L M G M E
 J E B I N E A T G A Y I R E N P P M N T I R S K X
 T F D S M A N G R O R S N Y I T E O I I O F T I V
 G T C P J S G D I G S A I B I E Z L O D G A S R B
 S N R E H A P A S D E P M R B K N T E D P G M A D
 E E P L J F N A M E L I D A J H O F O M G F V S S
 J H G A E G E I A B P M E N P E S E D T A J G L T
 P E O I L L R L N M S P Y I O N E Q D T I E R X A
 W P A S E A E S E I B R W U M F H Y I M D E Z G A
 L I S K H P P V G Z L Z E I B C X A R X A G C I G
 T A L R S T O U E C E E S L E T S R O I O S U N L
 B A N I S I M M N L M K P S R U G F S N H S P E H
 J S A M A W Z P U L I M E H I I E O X H Z R W E O
 A N I V E S E R I M M M Y M O E Z O I G R A M I N



TOK PISIN NEWS

from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Sam Seke i raitim

I luk olsem ol haus sik na helt klinik bilong sios long Papua Niugini we i kisim sampela helpim long gavman nau i mas katim sampela sevis, katim pe bilong ol wok manmeri, na pinisim sampela.

Dokta David Mills, Presiden bilong PNG Society bilong Rural na Remote Health i mekim dispela tok tok bihain long gavman i katim 15 milien mani bilong Amerika long mani bilong Kristen Helt Sevis.

Em i tok dispela kat bai kamapim hevi long samting olsem 25 pesen i go inap long 50 pesen long sait long pe na mani bilong sevis.

Dokta Mills i tok ol sios i painim hat pinis long kisim ol helt sevis long ol ruel eria, na nau bai ol i nap wokim tasol ol beislain sevis na stopim ol autris wok bilong ol.

Dokta David Mills husat i Medikol Superintenden tu long Kompam Rural haus sik bilong Baptist Union Church long Enga Provins i

Ol sios haus sik long PNG bai katim ol sevis



Wanpela meri we i kisim bagarap long het bilong en i wet long kisim tritmen (Credit: ABC)

tok, em i no long wanem ol sios i kros long gavman, em long wanem em bai hat tru

kwik sampela kaikai.

Provinsal disasta kodine-tar Steven Tobesa i mekim dispela toktok bihainim planti hevi ol pipel i wok long bungim long drought o bikpela san na sot long wara.

Em i tok tu olsem planti pipel i wok long kisim sik long wanem ol i no save kaikai gut.

Mista Tobesa i tok, ol pipel bilong ol ailan bilong Vakuta na Simsimla Ailan long Trobriands na planti

hap long bikples Milen Be nau i gat bikpela sot long kaikai.

Milen Be Provins, wankain olsem ol narapela ples long PNG i bin kisim taim stret long draut em El Nino i bin kamapim long 2015 na i bin pinis long stat bilong dispela yia.

Ren i wok long pudaun nau long planti hap bilong PNG, tasol ol kaikai i no kamap gut long wanem, i no gat gutpela gris long graun long mekim ol kaikai i gro.

Vanuatu i namba wan long yusim fores long daunim klaimet senis

Sam Seke i raitim

GAVMAN bilong Vanuatu i go pas long soim rot long ol kantri long Pasifik na long Wol long sait long forestri na klaimet senis.

Charlot Salwai gavman i mekim tripela bikpela dikleresen em bai bihainim long sait long forestri na daunim klaimet senis.

Em i lonsim Vanuatu National Forest Week bai kamap long 21 i go inap long namba 27 long Ogas dispela yia, na wan wan yia long bihain.

Tree Planting De we bai em i kamap long 21 long Jun 2016, na olgeta yia long bihain.

Minista bilong Egrikalsa, Laipstok, Forestri, Fiseris na Baiosekuriti, Matai Sere-maiah Nawalu em i bin lonsim tu Decade o 10 yia bilong eforestesen long 2016 i go inap long 2016.

Mista Nawalu i bin lonsim dispela tripela deklarasi long Intenesenel De bilong ol Fores long Trinde Mas 23. Pastaim long minista i bin lonsim ol dispela wok, Di-arektat long Forestri, Han-

ington Tate i tok Vanuatu i no gat teknoloji bilong mekim ol rinuwebol enaji olsem haidro na sola penel.

Tasol em i tok Vanuatu bai planim ol diwai olsem we bilong daunim klaimet senis.

Mista Tate i toktok tu long ol diwai na wara na bikpela wok ol i save mekim.

Em i tok wara i nidim ol diwai tu long stap gut na klin.

Mipela i laik tok tenkyu long Jean-Baptiste Calo husat i bin putim dispela odio mipela i yusim long Vanuatu Info Online.

No ken katim gavman helt mani long ol sios: Paul Barker

Caroline Tiriman i raitim

PNG Institute bilong Nesenel Afeas i tok egensim we PNG gavman i katim mani em i save givim long ol sios long helpim sait long helt sevis long kantri.

Gavman bilong Papua Niugini i mas lukim ol wok em ol sios i save mekim long said bilong helt olsem wanpela bikpela wok na no ken katim mani em i save givim i go long ol sios.

Eksekutive dairekta bilong Institute of National Affairs long Pot Mosbi, Paul Barker i mekim dispela tok tok bihainim tingting bilong



Wanpela mana na ol pikinini long klinik Westen Provins

Gavman long katim buset o mani em i save skelim long sapotim ol sios long lukautim ol helt sevis bilong ol.

Long wik i go pinis Katolik Sios i bin autim wari bilong en tu long dispela tingting bilong Gavman long katim 50.7 milien Kina long baset em i save

givim long helt bai bagarapim tru olgeta wok ol i save mekim long ol ruel eria.

Planti ruel helt sevis long kantri nau i stap aninit long han bilong Katolik Sios na tu ol narapela sios olsem Luteran, Seven De Adventis na Yunaitet Sios.

Vanuatu sua ai

Caroline Tiriman i raitim

PLANTI pipel long olgeta hap long Vanuatu i wok long kisim

Hevi long planti pipel i go long ol taun

Caroline Tiriman i raitim

WANPELA saveman bilong

dispela sik Red Eye o sua ai.

Na wanpela nes long Ai Klinik long Port Vila Haus sik i tok ol man, meri na pikinini long kantri i mas go kwik long ol haus sik na ruel klinik sapos o i gat sik bilong ai o sua ai.

Annie Bong, nes i lukautim Eye Klinik i tok ol i no ken go long ol haus man o ol

man meri long ples i save wokim ol bus marasin.

Ms Bong i tok tu olsem ol pipel i no ken yusim ol taun na ankip long klinim eye bilong ol, nogut bai ol i bagarapim ai bilong ol.

Dispela sik i bin stat long las wik bilong mun Feb-ueri na em i go het yet nau.

Papua Niugini i tok ol setlemen long ol bikpela siti na taun long kantri i wok long kamapim bikpela hevi long ol eben developmen plena long mekim gut wok bilong ol.

Dokta Osborne Sanida bilong National Research Institute i bin autim dispela tingting long wanpela tok tok long opis bilong en i no long taim i go pinis.

PNG, wankain olsem ol

narapela kantri long Wol i gat wari long bikpela namba bilong ol ruel pipel i save go long ol siti long painim wok.

Taim ol i kamap long ol taun, ol i painim olsem i no gat haus na ol i save go sindaun nating long graun bilong Gavman o graun bilong ol asples pipel.

Planti taim ol dispela setelemen i no save gat ol sevis olsem wara na toilet.

Daunim korapsen long graun i mas stat long len ministri: Ruth Liloqula

Sam Seke i raitim

ANTI-KORAPSEN organaisesen, Transparency Solomon Ailan i tok wok bilong daunim korapsen i mas stat long ministri bilong len pastaim.

TSI i givim ful sapot bilong em long stopim korapsen in-

sait long ministri ya.

Pemanent Seketeri, Stanley Waleanisia i bin putim aut wanpela pablik notis long askim pipel long tokaut o ripotim sapos ol i lukim pasain korapsen i kamap long wanem olketa lugim olsem korap samting we ol opisa insait long ministri i

mekim.

Eksekutiv opisa bilong TIS, Ruth Liloqula i tok dispela em i wanpela gutpela samting long mekim bikos em bai stopim planti kain korapsen i kamap na i go het insait long ministri.

Em i tok lo i stap pinis na olgeta i mas bihainim.

Greece i salim ol refuji go bek long Turkey



Ol refuji husat i stap long Chios ailan long Greece i protes.

GREECE i stat long salim ol rejufi i go bek long Turkey aninit long wanpela agrimen wantaim Yuropian Yunion (EU). Tasol i gat wari i kamap nau bikos i no gat ol wok redi i kamap long Turkey long kisim bikipela

namba tru bilong ol dispela lain refuji. Dispela bikipela wok i stat pinis long Mande long dispela wik long Lesbos ailan long Greece.

Dispela agrimen wantaim EU i kamap long stopim planti pipel tru i traim long

go long Westen Yurop. Planti bilong ol i save kalap long sip na traim brukim solwara long ples we i no gutpela tumas.

Gavman bilong Turkey i tok ol i redi long kisim 500 pipel na bai ol i putim ol dis-

pela lain long Dikili long wes Turkey.

Ol lain refuji husat i stap nau long Greece i tok ol i no kisim infomesen long dispela hap na wanem samting ol i mas mekim long mov i go long narapela kantri long Yurop. Wanpela ripot i kam long Asosietet Pres i tok dispela EU ejensi i go pas long mekim wok i no gat inap wokman.

Aninit long dispela agrimen bilong EU wantaim Turkey, ol refuji husat i no gat ol tok orait pepa na i kamap nating long Greece, bai i mas go bek long Turkey we ol i ken aplai long asailum o sapos ol i bin aplai tasol Greece i bin tok nogat long ol.

Long wan wan refuji husat i go bek long Turkey, EU bai kisim wanpela Syria husat i kisim tok orait long eplikesen bilong em. Turkey na Greece i bin hariap long dispela agrimen wantaim EU, olsem na ol i no redi gut long kisim na prosesim ol dispela lain refuji.

Turkey i bin winim bikipela mani na ol arapela askim long politikal wok, long taim em i sainim dispela agrimen wantaim EU.

Ol ripot i tok bikipela wari i kamap nau namel long ol refuji bikos planti bilong ol i no laik go long Turkey. Ol i tok Turkey i no seif. Sampela ripot i tok Turkey i wok long salim ol refuji i go bek long Syria, tasol Turkey i tok em i no mekim olsem.

Turkey i sanapim tupela haus kandis long Dikili long prosesim ol lain refuji i kam long Lesbos ailan na bai ol i stretim ples bilong ol lain i kam long Chios. Interia Minista bilong Turkey i tok ol i salim ol refuji husat i no bilong Syria i go bek long asples bilong ol na ol Syria bai go long ol refuji kemp we ol bai kisim ples bilong ol dispela lain husat i kisim tok orait long go stap long Yurop.

Ol tupela bikipela human raits grup, Amnesty International na Save the Children i no wanbel long dispela agrimen bilong salim ol refuji i go

long Turkey. Ol i tok em i no stret na i brukim lo. Ol i tok sampela refuji i tokim ol olsem bai ol i kilim ol yet sapos ol i go bek long Turkey.

Long taim EU i mekim dispela agrimen wantaim Turkey long mun Mas, 400 pipel i wok long kamap long ol ailan long Greece olgeta de. Planti tausen pipel i stap long Greece nau bihain long ol noten kantri i pasim bod bilong ol na ol pait na hevi i kamap long ol dispela kemp.

Moa long wan milien mailgren na ol refuji i go kamap long EU long bot long Greece na Turkey las yia. Planti bilong ol i laik go long Jemani na ol arapela kantri long not Yurop.

Long Austria, ol lain husat i wanbel long kisim ol dispela refuji i pait wantaim ol polis long boda wantaim Itali. Ol i mekim olsem bihain long Difens Minista bilong Austria i tok ol soldia bai go was long ol ki eria long boda bikos i no gat gutpela sekyuriti long ol outsait boda bilong EU.

Nigeria i holim Khalid al-Barnawi



Ansar i gat nem long holim ol ovasis lain.

OL soldia bilong gavman bilong Nigeria, i holim pinis Khalid al-Barnawi, lida bilong wanpela teroris grup Ansaru, long Nigeria, ol gavman opisa i tok. Ansaru i save wok bung wantaim al-Qaeda teroris grup.

Gavman bilong Amerika i bin putim US\$5milien prais long het bilong Khalid al-Barnawi long 2012 na tok

em i wanpela bilong ol tripela man Nigeria husat i 'global teroris'.

Ol soldia i bin holim al-Barnawi long Lokoja, biktaun bilong Kogi long Nigeria.

Ansaru em i hap han bilong Boko Haram, bikipela Islam teroris grup long Nigeria. Ol i save bihainim narapela teroris grup, al-Qaeda in the Islamic Maghreb. Ol

ripot i tok dispela grup i kilim planti ol ovasis lain pinis.

Ansaru i bin go insait long bikipela haus kalabus long Abuja long 2012 na larim ol kalabus i go fri.

Wanpela mausman bilong ami, Brigadia Jeneral Rabe Abubakar i tok, nem bilong al-Barnawi i stap long lista bilong ol teroris ol i wok long painim.

Australia i rausim ol pikinini long ditensen senta



Ol sapota bilong ol refuji i protes long Brisbane, Australia.

GAVMAN bilong Australia i tokaut olsem ol las pikinini husat i stap long ol ditensen senta long bikples, i fri nau long raun long komyuniti ditensen. Tasol i gat sampela refuji pikinini i stap yet long ditensen senta long Nauru ailan long Pasifik.

Ol gavman opisa bilong Australia i tok krismas bilong ol dispela pikinini em wanpela bebi i go inap long pikinini husat i gat

17 krismas. Ol i bin stap long Nauru na i bin sik olsem na ol i kam kisim marasin long Australia. Gavman bai sekap long eplikesen bilong ol na sapos ol pepa i no stret bai ol i mas go bek long asples bilong ol.

Tasol ol dokta na ol lain i sapotim ol refuji, i tok gavman i mas larim ol pikinini i go fri bikos laip bilong ol nau i ken kamapim kain kain sik na sampela i ken

kisim sik long het.

I bin gat samting olsem 2,000 refuji pikinini long 2013. Imigrasen Minista bilong Australia, Peter Dutton i tok nau ol i larim ol dispela pikinini i kam ausait, em i 'bikipela samting.'

Tasol i gat 1,700 bikipela manmeri i stap yet long ol ditensen senta long bikples Australia. Sampela bilong ol i stap inap moa long 464 de nau.

Kenya i tingim ol lain i dai long Garissa

OL pipel bilong kantri Kenya long Afrika, i makim wan yia long tingim 148 pipel ol lain teroris i bin kilim long Garissa yunivesiti.

Planti tausen manmeri i bin bung long dispela yunivesiti long Sarere, na samting olsem 100 pipel i bin ran long makim ol dispela lain i dai. Bihain ol i bin pre na

laitim kendel long Garissa na long Nairobi, biksiti bilong Kenya. Ol gavman opisa i bin go pas long ol dispela bikipela bung.

Ol 4-pela al-Shabab teroris i bin sutim ol studen long haus slip bilong ol na bihain ol i holim ol narapela na kilim ol tu. Dispela birua i bin wanpela bikipela birua

tru long Kenya. Ol lain bilong al-Qaeda i bin bomim opis bilong USA long Nairobi long 1998 we 213 pipel i bin dai.

Ripot i tok dispela grup, al-Shabab, i wok bung wantaim al-Qaeda na i save stap long kantri Somalia. Tasol ol i save go kamapim ol birua long Kenya.

Dispela grup i tok ol i

kamapim birua long Kenya bikos ol sekyuriti fos bilong Kenya i wok bung wantaim Afrika Yunion Misin long stopim al-Shebab long Somalia.

Long taim bilong dispela spesel memorial ran long Sarere, ol i putim ol tsiot i gat mak bilong bel isi. Wanpela ogena isa bilong dispela

ran, Ali Awdol i tokim BBC olsem ol pipel bilong Garissa i no inap lusim ting long dispela birua.

'Long taim mipela i tingim ol lain i dai mi wok long lukim gen bodi bilong ol dispela lain husat i dai,' em i tok.

Em i tok, 'Olgeta lain i ran i soim olsem ol i laik pasin

bilong bel isi i mas kamap na ol pipel i stap gut wantaim. Yumi olgeta i gat wanpela birua tasol, dispela birua em ol teroris.'

Ol arapela gavman opisa tu i bin mekim sampela tok tok we ol i singaut long ol pipel i mas wok bung wantaim long rausim ol teroris insait long Kenya.



SIP ripot i mas kamap long kompyuta

Usino Bundi MP givim 2015 DSIP akwital ripot i go long DIRD long Waigani, las wik Fraide 1 Mas.

USINO Bundi MP, Anton Yagama i tok olgeta sevis impruvmen program (PSIP, DSIP na LL-GSIP) wantaim ol narapela developmen programs gren i mas givim ripot long kompyuta long givim aut long fainens na ol narapela lain husat i laik save long wok bilong dispela mani.

Yagama i tok nupela kain wei bilong holim rekot bilong mani na wok na ran bilong mani long kompiuta em i wei bilong mekim wok long mekim isi long ol akwital na bilong mekim ol disisen bilong yusim ol mani.

Mista Yagama i mekim dispela toktok long taim em yet i bin kamap long Pot Mosbi long Fraide las wik na givim ol DSIP akwital ripot bilong em i go long Dipatmen bilong Rurel Implementesen na Developmen.

Em i tok, long ol provins, distrik na LLG i save gat planti senis na long bringim olgeta ripot na dokumen long pepa em i kostim bikipela mani na kisim planti taim bilong wok long redim tu.

"Nau yumi stap long dijital wol o kompyuta wol we yumi mas kamapim ol ripot na wokim akwital long kompiuta fomet we yumi ken sevim ol dokumen long fles draiv, CD, ekstenel had dis o narapela kompyuta samting we yumi ken yusim long prisenim ol ripot i go long gavman dipatmen na ol ejensi. Ol infomesen i stap pinis na yu no inap go painim long narapela insait long ol bikipela fail moa. Em i westim taim na yumi ken katim daun wok tu. Yumi mas lusim pasin bilong yusim pepa long holim ol rekot," em i tok moa.

Wokim ripot long kompiuta tasol i opim nupela rot long mekim wok long planti lain o stekholda, long mekim ol disisen na long kamapim wok bilong transparensi o wok ples klia.

Mista Yagama i tok, ilektoret bilong em long Usino Bundi em i wanpela hatpela distrik bilong Madang Provins long lukautim.

Yagama i tok aninit long 5-ya distrik developmen plen bilong em, namba wan tingting bilong em i sanap long tupela sekta, em long transport na edukesen infrastraksa we bikipela hap bilong DSIP mani bilong em i go.

"Namba wan tingting bilong mipela em long mipela i mas gat ol yangpela lain husat i kisim gutpela edukesen we bai helpim long senisim sindaun bilong ol pipel long ples, long kamapim wok i gat mani, na yusim gutpela graun long egrikalsa na long strong wok bilong maining insait long distrik na long nesen," Mista Yagama i tok.

Usino Bundi distrik i sponsa pinis moa long 528 sumatin i go long ol bikipela teseri institusen na ol yunivesisit long kantri. Em i givim sans long ol lain husat i no inap long baim skul fi bilong ol yet long ol i gat skul.

Long wok bilong rot na ol bris, Apa Bundi/Yandera rot i go long Kundiawa we ol i bin pasim inap 15 yia i go pinis tasol ol i bin opim i no longtaim i go pinis, long mekim we bilong ol pipel insait long ol dispela ples long kisim ol besik gavman sevis.

Ol narapela rot olsem Usino jangsen i go long Mondia long bung wantaim Madang basis wantaim hailans provins na Baiyer Riva Bris which em bai pinis long Me dispela yia.

Usino Bundi distrik i bin kisim K8milien DSIP mani bilong las yia 2015, na K1 milien olsem distrik hausng na edukesen infrastraksa fandng em K2.5 milien.

Kam fly wantem niupla airline blo yu



People connecting People.

Olgeta taim yu sikelim cargo, na kalap long wanpla ron blong balus, bai nambawan sevis blong mipla mekim yu filim spesol.



PNG Air



Jenifer Saruwabe (namel) wantaim ol mama long Poriera Viles i sanap baksait long dram aven bilong kukim flawa na skon.

Wewak wimens bisnis grup tok tenkyu

TUPELA wimens bisnis grup long Wewak, Is Sepik Provins i amamas long Memba bilong Wewak, Jim Simatab, i luksave long ol na helpim ol.

Ol mama grup bilong Poriera Viles long Passam Namba tu kaunsil wot i tok tenkyu long Mista Simatab i givim ol K10, 000 long helpim likik bisnis grup bilong ol.

Siameri bilong Pomuyar Sustainable Womens Bisnis Grup, Jenifer Saruwabe, i tok em i amamas tru long

Mista Simatab i luksave long liklik bisnis projek bilong ol mama.

“Projek bilong mipela em i bekri projek. Mipela i mekim tupela aven long dram na dispela mani memba i givim bai helpim mipela long kirapim dispela bisnis,” Misis Saruwabe i tok.

Em i tok ol mama i save kukim flawa long dispela tupela dram aven na go salim long Passam Nesanel Hai Skul.

“Sampela taim mipela i save kukim na salim flawa long ples, arere long rot na

long liklik maket. Mipela i save mekim gut mani na dispela helpim bilong Memba bai apim bisnis i go antap,” Misis Saruwabe i tok.

Em i tok tenkyu long Mista Simatab i helpim ol mama long kirapim liklik bisnis o SME long ples na senisim sindaun bilong manmeri.

“Dispela mani bai mekim bikpela wok. Em bai senisim laip bilong mipela ol mama long ples. Mipela i laik kirapim SME bisnis na mipela i statim dispela wantaim bekeri projek.

Ikonomik grot i pundaun



Bikpela sip bilong kisim kopa bilong Ok Tedi i go long intenesenel maket i stop long Pot Mosbi haba.

BENK ov PNG (Sentral Benk) i glasim olsem tru gros domestik prodak (GDP) bilong PNG em 4.3 pesen bikos 2016 Nesanel Baset pepa long las yia tu i givim dispela wankain namba.

Dispela i bihainim tu wanpela ripot bilong Asian Development Benk (ADB) we ol i bin lonsim long Sydney, Australia long las wik.

Senia ikonomist bilong ADB, Chris Edmonds, i tokim Radio Australia olsem dispela pundaun bilong GDP i kam daun long 4.3 pesen bai mekim gro bilong ikonomi tu i kamap isi isi.

GDP gro bilong PNG i bin sanap long 7 pesen long yia 2015. Tasol long yia 2016, em i pundaun i go daun long 4.3 pesen, na dispela gat bikpela sans long daunim level bilong gro bilong ikonomi i kam daun long 2.7 pesen long yia 2017.

BPNG Gavana Loi Bakani i tok gro bilong ikonomi bilong PNG i bin kamap isi isi. Tasol bilong yia 2016, em bai kamap gut bikos Ok Tedi main i op gen, level bilong prodaksen i go antap long Ramu NiCo Projek, na sampela provins i lukim planti gutpela developmen i kamap bikos gavman i putim nupela rot, sip bris na ples balus.

Mista Bakani i tok prais bilong ol samting olsem gol, kopa, nikel, oil na ges i pundaun yet na dispela i wok long kamapim hevi long PNG i sot long foren karensi.

“Bai mipela i kisim mani i kam insait long kantri na stretim sampela bilong dispela hevi. Dinau mani gavman i kisim long bai bekim ol dinau bilong mani gavman i kisim long ol benk i stap long PNG yet,” Mista Bakani i tok.

Pis maket bai gat fiul stesin

PUMA Eneji i brukim graun pinis long nupela Koki pis maket long kirapim ol arapela wok bilong dispela namba wan pis maket insait long Pot Mosbi siti.

Mani mak bilong dispela wok em i K1.5 milien na dispela wok bai lukim nupela maket ya i gat 200 ka pak spes bilong ol kastoma, ston wol na banis waia bilong pis maket.

Memba bilong Mosbi Saut, Justin Tkatchenko, i tok mani mak bilong kirapim dispela pis maket em i K10 milien.

Mista Tkatchenko i tok

projek bilong kirapim maket ya i pinis long taim yet tasol ol i wok long toktok wantaim Puma Energy long putim wanpela fiul stesin arere long dispela maket.

Dispela fiul stesen bai helpim ol pisamen long rifulim ol moto bilong ol na pulumapim bensin bilong moto.

“Dispela maket bai helpim ol manmeri long Motu Koitabu na ol Papua manmeri long salim pis ol i kisim long solwara,” Mista Tkatchenko i tok.

NCD Gavana Powes Parkop i tok ol asples

pisamen bai kisim sampela liklik helpim i kam long National Fisheries Authority (NFA).

Em i tok dispela helpim bai lukim ol pisamen i kisim liklik save long sait bilong salim ol gutpela pis na helpim ol yet long gutpela sait bilong abrusim ol sik.

Kantri Menesa bilong Puma Energy, Jim Collings, i tok Puma i amamas long givim servis i go bek long pipel bilong PNG.

“Mipela i amamas long sapatim dispela projek na kamap olsem wanpela patna,” Mista Collings i tok.

Kampani bai kirapim hotel

CORAL Sea Hotel Grup bilong Steamships Trading Company mekim bikpela mentenens wok long ol hotel bilong ol long PNG.

Dispela bai lukim Steamships i kirapim gen Melanesian Hotel na Huon Gulf Hotel long Lae. Highlander Hotel long Mt Hagen tu bai kamap bikpela na Grand

Papua Hotel long Pot Mosbi bai gat nupela haus kai.

Steamships i salim pinis Coastwatchers Hotel long Madang tasol em i no tokaut yet long husat i baim dispela biknem hotel long Madang.

Long anuel ripot bilong em, Steamships i tok em i glasim dispela yia olsem

wanpela gutpela yia long mekim bisnis long PNG, maski PNG i sot long foren karensi na komoditi prais i pundaun.

Dispela ripot i tok total mani kampani i kisim long as yia na dispela yia i pundaun i kam daun long 6 pesen long las yia na 7 pesen long dispela yia.

Translation jobs, Pidgin or Motu, Big or Small?



Call the experts to get all your translations done faster at an affordable price!

Call us now on Ph: (675) 325 2500 or email: editorial@wantokniuspepa.com and ask for the Advertising team for a quote.

Word Publishing Company

Publisher of



WANTOK



Penrith i daunim Eels

...tasol Warriors i daunim Roosters long golden taim

PENRITH Panthers i daunim ol Parramatta Eels long asples bilong ol long Parramatta Stediam wantaim tupela poin we skoa i sanap olsem 20-18.

Ol pilaia bilong Eels, Junior Paulo, Michael Gordon na Isaac De Gois i bin putim tripela traime bilong Eels i lokim ol Eels long 18 poin na ol Penrith tu i gat 18 poin.

Taim 4-pela minit i stap yet long bungim pinis bilong pilai, Panthers i kisim wanpela penalti egensim ol Eels. Ol i kisim tupela poin long dispela penalti i skruim poin bilong ol i go antap long 20-18 na ol i win.

New Zealand Warriors na Sydney Roosters i bin pilai pas long ol Panthers na Eels, we ol Warrior i daunim ol Roosters, 32-28, long golden taim.

Tupela tim wantaim i stap 28 taim ol i bungim pinis bi-



long pilai. Tasol, long golden taim ol Warriors i pilai strong na pilaia bilong ol Roger Tuivasa-Sheck, i putim wanpela trai egensim bipo tim bilong em na warriors i kamap wina bilong raun namba 5.

Fiji bai go insait long NSW Kap ragbi lig resis

WANPELA tim bai makim Fiji na go insait long Nu Saut Wels (NSW) Kap ragbi lig resis long sisen i kam. Dispela toktok i kamap bihain long ol ragbi lig opisal i stap wanpela wik long Suva na sekim ol fesiliti.

Ol tripela opisal, David Trodden, Barrie-Jon Mather na Bob Millward, i bin bung tu wantaim ol gavman opisal, ol memba bilong Consortium i sapotim Fiji bid na bid tim ol yet.

Bipo NRL pilaia, Petero Civoniceva i go pas long bid tim, na em i tok olsem, "Ol NSW tim husat bai kam long Fiji bai lakim ol wanem samting ol i lukim long en.

"Ol opisal i bin kam long lukim ol fesiliti em i bikpela samting na mi amamas long dispela.

"Mipela i bin wokabaut raun na lukim olgeta fesiliti bilong mipela insait long sampela de na nupela pilai graun bilong mipela em i ANZ Stediam long Suva."

Em i tok moa olsem ol opisal i laikim ol nupela hotel na rum we ol tim bilong NSW bai yusim long FIJI.

"Mi bin makim ol skwat pinis na ol i traime pilaia namel long ol rijon bilong Fiji. Mipela bai stat resis taim ol i mekim disisen na tok orait long mipela long resis long 2017 sisen.

Djokovic i winim Miami Masters tenis resis



TENIS pilaia, Novak Djokovic, i go het long kamap namba wan long tenis resis bilong ol man na daunim pilaia bilong Sapan, Kei Nishikori, we skoa i sanap olsem, 6-3, 6-3, long fainel long Miami Masters long Florida.

Djokovic i bin lus long namba wan gem, tasol em i soim stail na kala bilong em gut bihain long em i bin lus.

Dispela em i namba 63 yia bilong em long spotting na namba 6 taim wina bilong Miami.

Em i kisim US\$ 1.3 milien long em i kamap namba wan pilaia na kamap wina bilong fainel tenis resis bilong ol man.

Dispela em i namba 4 taitel em i winim bihain long em i bin kamap wina long Australian Open, Qatar na Indian Wells.

West Indies i daunim Australia

AUSTRALIA i lus long 4-pela raun long lain long Wol Twenti20 resis bilong ol meri bihain long West Indies i daunim ol wantaim 8-pela wicket long fainel resis long Eden Gardens long Kolkata.

Dispela em i namba wan taim bilong ol West Indies long winim Wol Twenti20 sempionsip resis bilong ol meri.



LEICESTER City i stap long top bilong lada bihain long em i daunim ol Southampton, 1-0, long futbol resis.

Menesa bilong Leicester, Claudio Ranieri, i tok, "Mipela i driman long winim Premia Lig taitel bilong dispela futbol resis bikos mipela i winim olgeta 4-pela raun pinis."

Leicester i skruim poin bilong ol i go antap long 69 na Tottenham i stap long namba 2 ples wantaim 67 poin.

Arsenal i bihainim ol wantaim 58 poin bihain long ol i daunim ol Watford, 4-0, wantaim Manchester City i stap yet long namba 4 ples wantaim 54 poin bihain long em i daunim ol Bournemouth, 4-0.

Manchester United i resis strong long kisim ples long top 4 na ol i daunim ol Everton, 1-0. Ol i stap namba 5 ples long lada wantaim 53 poin.

Leicester i daunim ol Southampton



Nominesen bilong SP Spot Awod bai pinis long Epril 15

OGENAISING Komiti bilong 2016 SP Spot Awod i tokaut olsem ol i skruim pinis taim bilong SP Spot Awod nominesen long Epril 1 i go antap long Epril 15.

Dispela i givim planti taim inap long tupela wik long ol pablik, spoting grup na ol lain husat i gat laik long makim ol pilaia i ken kisim awod.

Siaman bilong Ogenaising Komiti, Andrew Lepani, i tok, "Mipela i amamas long mipela i gat gutpela namba bilong nominesen ol i givim pinis.

"Na tu, mipela i gat strongpela tingting olsem mipela bai i gat moa nominesen bai kam insait bikos

long ol i skruim pinis taim bilong nominesen bilong 2016 SP Spot Awod."

I gat 11 awod grup ol bai makim em 1. man etlit bilong yia, 2. meri etlit bilong yia, 3. tim bilong yia, 4. Nesenel kala bilong yia, 5. komyuniti spot inisietiv, 6. junia man etlit bilong yia, 7. junia meri etlit bilong yia, 8. namba wan spot pilaia wantaim disabiliti, 9. spot opisal bilong yia, 10. spot poto bilong yia na 11. spot media awod.

Pablik i ken putim ol nominesen i go insait long PNG Olimpik Komiti o PNG Spot Faundesen, aninit long ol namba i stap long nominesen fom.

Ol etlit i givim helpim long POMGH

Piksa i soim Wol rekot holda bilong Pawalifting bilong PNG, Lind Pulsan, i givim ol bed sit i go long mauseri bilong POMGH. Projek Opisa Kopret Sevis bilong POMGH, Shirley Lewa, i sanap long lep han na silva medal wina bilong PNG Paralimpik, Francis Kompaon, i sanap long rait han long taim bilong presentesen. *Piksa: Andrew Molen*



Philemon Tame i raitim

PAPUA Niugini Olimpik Komiti (PNGOC) i givim 5-pela bokis sit bilong bet i go long Pot Mosbi Jenerel Haus Sik (POMGH) long las wik Fraide olsem sait bilong ol long sapotim komyuniti.

Memba bilong PNG Etlit Komisin, Linda Pulsan na Francis Kompaon, i bin mekim dispela presentesen.

Ol i bin givim ol nupela ekstra sit we Tim PNG i skelim long ol etlit i bin slip long Gems Viles long taim bilong 2015 Pasifik Gems.

POMGH i bin sevim wanpela ples bilong ol etlit bilong Pasifik Gems i ken kisim tritmen sapos wanpela bilong ol i kisim bagarap long

taim bilong resis. Na dispela ples i stap yet na ol donesen i bin go stret long dispela hap. Dispela i soim olsem POMGH i mekim wanpela bikpela wok long taim bilong Pasifik Gems.

"Haus Sik i nidim olgeta samting long lukautim ol sik manmeri bilong yumi na mipela i ting olsem ol dispela bed sit i ken hlepim hausik long sampela rot.

"Mi laik strongim olgeta sik manmeri long hau sik long ol i ken i gat stronpela tingting na bilip olsem sik bilong ol bai orait na ol i ken go bek long haus bilong ol.

"Tasol, insait long sotpela taim ol i stap long haus sik em ol i ken yusim ol dispela bed sit na ol bai filim orait

long taim ol i stap long sik bed," Wol rekot holda bilong Pawalifting bilong PNG, Lind Pulsan, i tok.

Projek Opisa Kopret Sevis bilong POMGH, Shirley Lewa, i tok, "Dispela helpim em i bikpela samting long haus sik na em bai helpim haus sik long lukautim ol sik lain.

"Namba wan tingting na lukluk bilong haus sik em long lukautim ol sik lain na dispela helpim bai lukautim ol sik lain mipela i tok bikpela tenkyu long PNGOC,"

Shirley i tok moa olsem POMGH em i bikpela haus sik long kantri we planti sik lain long ol narapela hap long kantri em ol i save salim

i kam long hia na nau ol i laikim ol wankain sapot long komyuniti na kopret sekta.

Silva medal wina bilong PNG Paralimpik, Francis Kompaon, i tok, "Ol sab komiti aninit long PNGOC olsem Etlit Komisin i ranim planti komyuniti program na dispela em i wanpela bilong ol.

"Olsem mipela i etlit bilong kantri, mipela i makim pipel bilong yumi na i gat planti rot i stap long givim sampela samting i go bek long komyuniti, na dispela em i wanpela rot bilong givim presen long komyuniti na mi amamas long dispela."

POMGH i gat 961 bed na ol i save nidim ol bed sit na bed kava long olgeta de.

Spot i bilong bringim bel isi na kamapim divelopmen

SPOT i gat moa pawa na strong long bringim bel isi na divelopmen namel long ol wan wan pipel.

Spot i save stiaim ol lain long ol gutpela rot long kamapim gutpela sosel senis. Long dispela as tingting tasol, planti bikpela spot manmeri bilong wol i save stap pas yet na helpim Yunaitet Nesens (UN) long karim aut ol toktok save long bikpela toktok olsem bikpela hangre i kamap, HIV-AIDS, jenda ikwaliti na toktok long sait bilong envairomen.

Long dispela yia, wol i bungim wanpela bikpela salens taim ol i kamap wantaim visin 2030 Ajenda bilong Sastenebal Divelopmen.

Yunaitet Nesens Memba Stet i kamap wantaim 17 Sastenebal Divelopmen Gol long kamapim gutpela sindaun long bihain taim, jastis

na mekim gut long olgeta manmeri.

Long winim ol dispela gol, ol pipel long olgeta hap bilong wol i mas wok wantaim olgeta sekta bilong sosaiti.

Spot i gat namba wan wok long mekim long strongim ol pipel long sait bilong helt long stap gut. Spot i save strongim ol mama, yangpela meri na ol lain i save stap wantaim disabiliti. Spot em i namba wan hap bilong kisim gutpela save long skul. Na, spot i save strongim, kirapim tingting, bungim ol pipel wantaim bel isi.

"Long namba tri Intenesenel De bilong Spot bilong Divelopmen na Pis, me laikim gavman, ol ogenaisesen, bisnis na ol sekta long sosaiti long sapotim velyu na pawa bilong spot long winim Gol bilong Sasteinebal Divelopmen," Seketeri Jenerel bilong Yunaitet Nesens i tok.

Wisil i winim tupela medal

NAMBA wan rana bilong Papua Niugini Emetik, Toea Wisil, i go het long soim kala bilong em na i winim tupela medal long Australian Sempionsip long Sydney long las wiken.

Wisil i winim mak bilong 100 mita fainel resis insait long 11.58 seken long las Srere nait, tasol dispela em i no ran hariap bikos em i bin

kamap namba tu ples insait long 55 etlit i bin resis long raun namba wan.

Em i bin resis klostu egen-sim Australia sempion, Melissa Breen, husat i kisim namba wan ples wantaim 11.53 seken.

Long narapela resis, Wisil i kamap klostu long top 100 mita resis wantaim narapela hai kwaliti ran long 200 mita

resis, olsem em i bin mekim long Canberra long ACT taitel long February.

Em i winim mak insait long 23.47 seken na dispela taim em i klostu long nesenel rekot, 23.43 seken, we Wisil i putim rekot long Canberra na winim brond medal long hai kwalifai fil resis.

Wina bilong resis, Ella Nelson, i daunim olgeta etlit

long 200 mita resis long dispela yia long Australia i bin ran tripela kwata bilong seken hariap long etlit husat i bin kamap namba tu ples, Jessica Thornton, na Wisil i bihainim Thornton.

Long wankain taim, Mowen Boino i mekim gut long olgeta resis na nau em i stap pas long olgeta man etlit bilong PNG long dispela yia, 2016. Em i bin putim rekot wantaim 52.69 seken long 400 mita hadel resis long Texas Rilei long Austin long las wik Sarere.

Presiden bilong Emetik PNG, Tony Green, i tok olsem dispela resis i bin pinis long 10 kilok avinun long gutpela weda.

"Laki tru, win i kam na karim ren i go.

"Boino bai resis gen long Fraide avinun long Canyon Texas," Green i tok.

Green i tok moa olsem, nau Wisil i kisim gutpela malolo bihain long resis na em bai statim narapela hap bilong trening long go resis long Olimpik Gems.

Nesenel Sempionsip long Sydney i makim pinis bilong sama sisen resis bilong Australia, na Wisil i resis 23 raun insait long tripela mun i go



Piksa i soim ol tripela rana, Jessica Thornton, Ella Nelson na Toea Wisil, husat i winim gol, silva na brons medal Australian Sempionsip resis.



MAKIM GUT: Pilaia bilong Vitis Indastri i redi long tromoi bal go long ring taim pilaia bilong Lamana i lukluk long Praivet Netbal Kompetisen nok aut.



OLSEM WANEM: Pilaia bilong Kina i lukluk long referi taim pilaia bilong MVIL i redi long tromoi bal.



PAWA AUT: Ol pilaia bilong PNG Pawa i sindaun long dak haus na lukluk long ol beta bilong ol i paitim bal long sofbal pilai long Sande. PNG Pawa i aut long resis bilong dispela yia taitel.

Boroko Summing Klab Resis



MIPELA REDI: Ol liklik swima bilong Boroka klap i redi long swim, ol tu bai karim nem bilong PNG bihain.



PLESIM MAK: Ol swima redi long kalap go insait long pul.



Kimberly i trening long swim.



Liklik swima i resis long bataflai swim.

Ol poto: Nicky Bernard



DIANA

Tuna

Niupela Swit Teist
Nau Igat Moa Oil!



PNG's ORIGINAL TUNA

PNG MADE  Manufactured by:
RD TUNA CANNERS LTD.

Difens pasim Pawa

Nicky Bernard i raitim

DIFENS i pasim pawa bilong ol PNG Pawa long go insait long semi fainel bilong Pot Mosbi Sofbal resis long Sande.

PNG Pawa i go pas long skoa im tupela long ran long namba tu na tri ining na bihain Difens i mekim wanpela ran long holim skoa 2-1.

Ol narapela inings, tupela pitsa bilong tupela tim wantaim i soim kala bilong ol long autim ol beta long straik aut.

Difens i kisim sans taim pitsa bilong PNG Pawa i tromoi wanpela bal na paitim het bilong bet bilong Difens, dispela i givim sans long beta bilong Difens long

kisim fri i ran go long namba wan bes.

Narapela pilai bilong Difens i kam long bet na pitsa bilong PNG Pawa i givim wanpela gutpela bal na beta bilong Difens i paitim go stret long namba tu bes we pilai bilong PNG Pawa i tromoi go long namba wan tasol namba wan bes man bilong PNG Pawa i no kisim gut dispela bal. Dispela i mekim tupela ran bilong Difens long kam hom na skoa.

PNG Pawa i holim strong gen pilai bilong ol na mekim tri daun long kam mekim las beting bilong ol. Difens i go pas long skoa bihain long tupela rana bilong ol kam hom na mekim skoa 3-1

Difens i kisim pilai graun na

holim tingting bilong ol long lokim PNG Pawa long skoa long las beting bilong ol.

PNG Pawa i salim olgeta gutpela beta bilong ol long go paitim bal tasol ol Difens i putim gut tru was long ol. Tupela ran bilong PNG Pawa i stap long bes tasol las beta bilong PNG Pawa i no bring tupela kam hom taim em paitim bal go long aut fil na Difens pilai i ketsim dispela bal.

Difens nau bai go pilai wantim ol Bears long lukim husat bai pilai lusa bilong Brothers na Yokomo. Pilai bilong Brothers na Yokomo bai lukim husat bai bukim gren fainel spes. Tim i lus bilong Difens na Bears bai hagamapim su bilong 2016.



TASIM MI: Margaret Alova bilong Datafix i ron we wantaim bal long Korporet Tas resis long Bisini pilai graun. Datafix i dro wantaim AON 3-3.

Mitsubishi FUSO Rosa Bus



Apgrred ensin
130Hp
4 silinda disel



**Ikamap Wantaim
26 na 30 Sit**

Hariap nau na go long
Boroko Motors dila bilong yu

MP1412294a



Port Moresby ph: 325 5255 | Lae ph: 472 1144 | Mt Hagen ph: 542 1933 | Tabubil PH: 649 9048
Kimbe PH: 983 5035 | Madang PH: 422 2659 | Kokopo PH: 982 8193 | Goroka PH: 532 3552

Email: info@borokomotors.com.pg
Website: www.borokomotors.com.pg

**BOROKO
MOTORS**